

十三經

周

四

貞

卿大夫 刑長 當正 族師 閻胥 比長
封人 故人 舞師 牧人 牛人 充人
載師 閭師 縣師 遣人 均人 師氏
保氏 司諫 司救 調人 媒氏 司市


80

90

100

9

C 40-4614



B 64853

周易禮解序

萬益子結冬於月臺禪誦之餘手持韋編而箋釋之。
或問曰。子所解者是易耶。余應之曰然復有視而問曰。子所解者非易耶。余亦應之曰然又有視而問曰。子所解者亦易亦非易耶。余亦應之曰然更有視而問曰。子所解者非易非非易耶。余亦應之曰然侍者聞而笑曰。若是乎墮在四句中也。余曰。汝不聞四句皆不可說。有因緣故。一可說乎。因緣者。四悉檀也。人也。

小生歡喜焉。故

謂是易者吾然之世界悉檀也。或謂我釋子也。奈何解易以同俗儒。知所解之非易則善心生焉。故謂非易者吾然之爲人悉檀也。或謂儒釋殆無分也。若知易與非易必有差別。雖異而同。雖同而異。則龍洞之病不得作焉。故謂亦易亦非易者吾然之對治悉檀也。或謂儒釋必有實法也。若知非易則儒非定儒。知非非易則釋非定釋。但有名字而無實性。頓見不思議理焉。故謂非易非非易者吾然之第一義悉檀也。侍者曰不然。若所解是易則人將謂易可助出。

成增益謗。若所解非易則人將謂師自說禪。何嘗知易。成減損謗。若所解亦易亦非易。則人將謂儒原非禪。禪亦非儒。成相違謗。若所解非易。非非易。則人將謂儒不成儒。禪不成禪。成戲論謗。烏見其爲四悉檀也。余曰。是固然。汝獨不聞人參善補人而氣喘者服之立斃乎。抑不聞大黃最損人而中滿者服之立瘥乎。春之生育萬物也。物固有遇春而爛壞者。夏之長養庶品也。草亦有夏枯者。秋之肅殺也。而菊有黃花。冬之閉藏也。而松柏青青。梅英馥馥。如必擇其有利

無害者而後爲之。天地恐亦不能無憾矣。且佛以慈眼視大千知羣機已熟然後示生。猶有魔波旬擾亂之。九十五種嫉妬之。提婆達多思中害之。豈惟堯舜稱猶病哉。吾所由解易者無他。以禪入儒。務誘儒以知禪耳。縱令不得四益而起四謗。如從地倒還從地起。置毒乳中轉至醍醐。厥毒仍在。徧行爲外道師薩遮爲尼犍主意在斯也。侍者再拜而謝曰。此非弟子所及也。請得筆而存之。

崇禎辛巳仲冬旭道人書于溫陵之毫餘樓

周易禪解目錄

序

卷一 上經 乾 坤

卷二 上經 ䷂ 蒙 需 詼 師 比 小畜

卷三 上經 ䷃ 泰 否 同人 大有 謙 豕

卷四 上經 ䷁ �噬嗑 貳 剝 復 无妄 大畜

隨 豐 臨 觀

頤 大過 欽 離

東京大学総合図書館所蔵

卷五 下經之一 咸 恒 遯 大壯 晉 明夷

卷六 下經之二 夬 坤 萃 升 困 井 革

鼎 震 艮 漸 归妹

卷七 下經之三 豊 旅 畏 兌 漢 節 中孚

小過 既濟 未濟

卷八 繫辭上傳

卷九 繫辭下傳 說卦傳 序卦傳 雜卦傳

卷十 河圖說 洛書說 犀義八卦次序說

伏羲八卦方位說 六十四卦次序說

六十四卦方位說

文王八卦次序說

文王八卦方位說

周易禪解目錄

畢

較刻易禪紀事

瑞

叨侍大師五年。每見久精易學之士。一聞大師
教義。無不傾服。遂發心摹梓全集。輒以易禪居首。
大師解易既畢。方出圖說。故並附於末卷。或有問
曰。紫陽本義圖說在前。謂聖人作易精微之旨。全

在語言文字之先。今胡得倒置耶。大師答曰。聖人悟無言而示有言學者。因有言而悟無言。所以古有左圖右書之說。何倒之有。且文字與圖皆標月指耳。不肯觀月而爭指之前後。不亦惑乎。問者默然。茲因較刻。并識此語。願我同志閱斯編者。了知文字與圖。無非吾人心性註脚。不作有言會不作無言會庶不負法恩矣。門弟子通瑞百拜敬書。

六十四桂大卦

周易禪解卷第一

北天目道人萬益智旭著

上經之一

六十四卦皆伏羲所畫。夏經以艮居首。名曰連山。商經以坤居首。名曰歸藏。各有繇辭以斷吉凶。文王因羑里時繫。今彖辭以乾坤二卦居首。名之曰易。周公被流言。時復繫爻辭。孔子又爲之傳。以輔翼之。故名周易。古本文王周公彖爻二辭。自分上。下兩經。孔子則有上經彖傳。下經象傳。上經象傳。

下經象傳。乾坤二卦文言。繫辭上傳繫辭下傳說。卦傳序。卦傳雜卦傳。共名十翼。後人以孔子前之五傳會入上下兩經。而繫辭等五傳不可會入。附後別行。卽今經也。

可上可下。可內可外。易地皆然。初無死局。故名爻。易能動。能靜能柔能剛。陰陽不測。初無死法。故名變易。雖無死局。而就事論事。則上半內外。仍自歷然。雖無死法。而卽象言象。則動靜剛柔。仍自燥然。此所謂萬古不易之常經也。若以事物言之。可以

一事一物各對。一卦一爻。亦可于一事一物之中。具有六十四卦三百八十四爻。若以卦爻言之。可以一卦一爻各對。一事一物。亦可于一卦一爻之中。具斷萬事萬物。乃至世出世間一切事物。又一切事物。卽一事一物。一事一物。卽一切事物。一切卦爻。卽一卦一爻。一卦一爻。卽一切卦爻。故名爻。易變易。實卽不變。隨緣隨緣。不變互具。互造互入。互融之法界耳。

伏羲但有畫。而無辭。設陰陽之象。隨人作何等解。

世界悉檀也。文王彖辭吉多而凶少。舉大綱以生善爲人悉檀也。周公爻辭誠多而吉少。盡變態以勸懲對治悉檀也。孔子十傳會歸內聖外王之學。第一義悉檀也。偏說如此。尅實論之。西聖各具前三悉檀。開權顯實則各四悉。

☰☰乾下

乾元亨利貞

六畫皆陽故名爲乾。乾者健也。在天爲陽。在地爲剛。在人爲智。爲義。在性爲照。在修爲觀。又在器界爲覆。在根身爲首。爲天君。在家爲王。在國爲王。在天下爲帝。或有以天道釋。或有以王道釋者。皆偏舉一隅耳。健則所行無礙。故元亨。然須視其所健者何事。利貞之誠。聖人開示學者。切要在此。所謂修道之教也。夫健于上品十惡者。必墮地獄。健于中品十惡者。必墮畜生。健于下品十惡者。必墮鬼趣。健于下品十善者。必成修羅。健于中品十善者。必生人道。健于上品十善者。必生天上。健于上品十善兼修禪定者。必生色無色界。健于上品十善

兼修四諦十二因緣觀者必獲二乘果證。健于上品十善能自利利他者卽名菩薩。健于上上品十善了知十善卽是法界。卽是佛性者必圓無上菩提。故十界皆元亨也。三惡爲邪。三善爲正。六道有漏爲邪。二乘無漏爲正。二乘偏真爲邪。菩薩度人爲正。攝乘二諦爲邪。佛界中道爲正。分別中邊不同爲邪。一切無非中道爲正。此利貞之誠所以當爲健行者設也。

初九 潛龍勿用

龍之爲物也能大能小能屈能伸故以喻乾德焉。初未嘗非龍特以在下則宜潛而勿用耳。此如大舜耕歷山時亦如顏子居陋巷乎。其靜爲復。其變爲姤。復則后不省方以自養。姤則施命誥四方以養衆皆潛之義也。

九二 見龍在田 利見大人 徵庸時亦如孔子遑遑求仕乎。其靜爲臨爲師。其初如淵。一如田時位之不同耳。龍何嘗有異哉。二五曰大人。三曰君子。皆人而能龍者也。此如大舜

80

90

100

變爲同人。皆有利見之義焉。

九三。君子終日乾乾。夕惕若。厲无咎。

在下之上。則地危。純剛之德。則望重。故必終日乾。

乾雖至于夕。而猶惕若。所謂安而不忘危者。安其位者也。此如大舜攝政時。亦如王臣蹇蹇匪躬者乎。其靜爲泰。爲謙。其變爲履。皆有乾乾惕厲之義焉。

九四。或躍在淵。无咎。

卦不相宜。宜潛而勿用。平此爻。

初之勿用。必于渙淵。四亦在淵。何也。初則潛。四則

躍。時勢不同。而迹暫同。此如大舜避位時。亦如大臣之休。休有容者乎。其靜爲大壯。爲豫。其變爲小畜。皆有將飛未飛。以退成進之義焉。

九五。飛龍在天。利見大人。

今之飛者。卽昔之或躍。或陽。或見。或潛者也。不如此安所稱大人哉。我爲大人。則所見無非大人矣。此如大舜垂衣裳。而天下治。亦如一切聖王之御極者乎。其靜爲夬。爲比。其變爲大有。皆有利見之義焉。

上九。亢龍有悔。

亢者時勢之窮。悔者處亢之道也。此如大舜遇有苗。弗格。舞干羽于兩階乎。否則不爲秦皇漢武者幾希矣。其靜爲乾爲剝。其動爲夬。皆亢而須悔者也。王陽明曰。乾六爻作一人看。有顯晦無優劣。作六人看。有貴賤無優劣。

統論六爻表法通乎世出世間。若約三才則上二爻爲天中。二爻爲人。下二爻爲地。若約天時則冬至後爲初爻。立春後爲二爻。清明後爲三爻。夏爲

四爻。秋爲五爻。九月後爲上爻。又乾坤二卦合論者。十一月爲乾初爻。十二月爲二爻。正月爲三爻。二月爲四爻。三月爲五爻。四月爲上爻。五月爲坤初爻。乃至十月爲坤上爻也。若約欲天。則初爻爲四王。二忉利。三夜摩。四兜率。五化樂。上他化。若約三界。則初欲界。二三四五色界。上無色界。若約地理。則初爲淵底。二爲田。三爲高原。四爲山谷。五爲山之正基。上爲山頂。若約方位。則初爲東。三爲南。四爲西。六爲北。二五爲中。若約家。則初爲門外。上

爲後園。中四爻爲家庭。若約國。則初上爲郊野。中四爻爲城內。若約人類。則初民。二士。三官長。四宰輔。五君主。上太皇或祖廟。若約一身。則初爲足。二爲腓。三爲股。爲限。四爲胸。爲身。五爲口。爲脢。上爲首。亦爲口。若約一世。則初爲孩童。二少。三壯。四強。五艾。上老。若約六道。則如次可配六爻。又約十界。則初爲四惡道。二爲人天。三爲色無色界。四爲二乘。五爲菩薩。上爲佛。若約六卽。則初理。二名字。三觀行。四相似。五分證。上究竟。以要言之。世出世法。

若大若小。若依若正。若善若惡。皆可以六爻作表法。有何一爻不攝一切法。有何一法不攝一切六爻哉。

佛法釋乾六爻者。龍乃神通變化之物。喻佛性也。理卽位中。佛性爲煩惱所覆。故勿用。名字位中。宜參見師友。故利見大人。觀行位中。宜精進不息。故日乾夕惕。相似位中。不著似道法愛。故或躍在淵。分證位中。八相成道利益羣品。故爲人所利見。究竟位中。不入涅槃同流九界。故云有悔。此原始要。

終兼性與修而言之也。若單約修德者。陽爲智德。即是慧行。初心乾慧宜以定水濟之。不宜偏用。二居陰位。定慧調適能見佛性。故云利見大人。三以慧性偏觀諸法。四以定水善養其機。五則中道正慧證實相理。上則覓智慧相了不可得。又約通塞而言之者。初是淺慧故不可用。上是慧過于定故不可用。中之四爻皆是妙慧。二如開佛知見。三如示佛知見。四如悟佛知見。五如入佛知見也。用九見羣龍無首。

六十四卦。共計三百八十四爻。陰陽各半。則陽爻共有百九十二。此周公總明一切陽爻。所以用九而不用七之旨也。蓋七爲少陽。靜而不變。九爲老陽。動而變陰。今若筮得乾卦。六爻皆九。則變爲坤卦。不惟可知大始。亦且可作成物。而六龍不作。六龍用其變化妙無端倪矣。此如大舜薦禹于天。不以位傳其子。亦如堯舜之猶病文王之望道未見孔子之聖仁。豈敢乎。若約佛法釋者。用九是用有變化之慧。不用七之無變化慧也。陽動即變爲陰。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

喻妙慧必與定俱。華嚴云。智慧了境同三昧。大慧云。一悟之後。穩貼貼地。皆是此意。羣龍者。因中三觀果上三智也。觀之與智離。四句絕百非。不可以相求。不可以識識。故无首而吉。大智慧海天本象曰。大哉乾元。萬物資始。乃統天。雲行雨施。品物流形。

此孔子象傳。所以釋文王之彖辭者也。釋彖之法。或闡明文王言中之奧。或點示文王言外之旨。或借文王言句而自出手眼。別申妙義。事非一概。今

卷一 上經乾
乾坤二卦。皆是自出手眼。或亦文王言外之旨。此一節是釋元亨二字。以顯性德法爾之妙。所謂無不從此法界流也。蓋乾之德不可勝言。而惟元能統之。元之德不可名狀。惟于萬物資始處驗之。始者對終而言。不始不足以致終。不終不足以名資始。卽始而終。故曰。統天舉凡。雲行雨施。品物流行。莫非元之德用。所謂始則必亨者也。卷一 上經乾

大明終始。六位時成。時乘六龍。以御天。

此一節是顯聖人以修合性而自利功圓也。聖人

易經
卷一

卷一

見萬物之資始便能卽始見終。知其由終有始。始終止是一理。但約時節因緣假分六位。達此六位無非一理。則位位皆具龍德而可以御天矣。天卽性德也。修德有功性德方顯。故名御天乾道變化各正性命。保合太和乃利貞。

此一節是釋利貞二字。以顯性德本來融徧。所謂無不還歸此法界也。蓋一切萬物旣皆資始于乾元。則罔非乾道之變化。旣皆乾道變化。則必各得乾道之全體大用。非是乾道少分功能。故能各正

性命。物物具乾道全體。又能保合太和。物物具乾元。資始大用。乃所謂利貞也。

首出庶物萬國咸寧

此一節是顯聖人修德功圓而利他自在也

統論一傳宗旨。乃孔子借釋彖爻之辭而深明性修不二之學。以乾表雄猛不可沮壞之佛性。以元亨利貞表佛性本具常樂我淨之四德。佛性必常。常必備乎四德。豎窮橫徧當體絕待。故曰大哉乾元。試觀世間萬物。何一不從真常佛性建立。設無

佛性則亦無三千性相百界千如。故舉一常住佛性而世間果報天方便淨天實報義天寂光大涅槃天無不統攝之矣。依此佛性常住法身。遂有應身之雲。八教之雨能令三草二木各稱種性而得生長。而聖人則于諸法實相究竟盡明了。所謂實相非始非終。但約究竟徹證名之爲終。衆生理本名之爲始。知其始亦佛性。終亦佛性。不過因于迷悟時節因緣假立六位之殊位。雖分六位位皆龍所。謂理卽佛乃至究竟卽佛。乘此卽而常六之修德。

以顯六而常卽之性德。故名乘六龍以御天也。此常住佛性之乾道雖亘古亘今不變不壞。而具足一切變化功用。故能使三草二木各隨其位而證佛性。旣證佛性。則位位皆是法界。統一切法無有不盡而保合太和矣。所以如來成道首出九界之表。而刹海衆生皆得安住于佛性中也。象曰。天行健。君子以自強不息。

六十四卦大象傳皆是約觀心釋。所謂無有一事一物而不會歸于卽心自性也。本由法性不息所

易傳

卷一

以天行常健。今法天行之健而自强不息則以修合性矣。

潛龍勿用。陽在下也。見龍在田。德施普也。終日乾乾。反復道也。或躍在淵。進无咎也。飛龍在天。大人造也。亢龍有悔。盈不可久也。用九。天德不可爲首也。

文並可知。佛法釋者。法身流轉五道名曰衆生。故爲潛龍理。卽法身不可用也。具縛凡夫能知如來秘密之藏。故德施普。十乘妙觀念念熏修。故反復道。不住相似中道。法愛故。進无咎。八相成道廣度。

衆生故是大人之事。無住大般涅槃亦不畢竟入于滅度。盡未來時同流九界。故盈不可久。但恃性德。便廢修德。全以修德而爲教門。故天德不可爲首。馮文所曰。其潛藏者。非謂有時而發用也。卽發用而常潛藏也。其在下者。非謂有時而上也。其上者。不離乎下也。乾卦所謂勿用之潛龍。卽大衍所謂勿用之一也。

文言曰。元者善之長也。亨者嘉之會也。利者義之和也。貞者事之幹也。

六十四卦不出陰陽二爻。陰陽之純則爲乾坤二卦。乾坤二義明則一切卦義明矣。故特作文言一傳以申暢之。此一節先明性德也。

君子體仁足以長人。嘉會足以合禮。利物足以和義。貞固足以幹事。此一節明修德也。

君子行此四德者故曰乾元亨利貞。

此一節結顯以修合性也。非君子之妙修何能顯乾健之本性哉。

統論乾坤二義。約性則寂照之體。約修則明靜之德。約因則止觀之功。約果則定慧之嚴也。若性若修。若因果無非常樂我淨。常樂我淨之慧名。一切種智。常樂我淨之定名。首楞嚴定。所以乾坤各明元亨利貞四德也。今以儒理言之。則爲仁義禮智。若一往對釋者。仁是常德體無遷故。禮是樂德具莊嚴故。義是我德裁制自在故。智是淨德無昏翳故。若互攝五合者。仁禮義智性恒故。常仁禮義智以爲受用故。樂仁禮義智自在滿足故。我仁禮

義智無雜無垢故淨。又四德無雜故爲仁。四德周備故爲禮。四德相攝故爲義。四德爲一切法本故爲智也。

初九曰潛龍勿用何謂也。子曰。龍德而隱者也。不易乎世。不成乎名。遯世無悶。不見是而無悶。樂則行之。憂則違之。確乎其不可拔。潛龍也。

約聖德釋如文可解。若約理卽釋者。龍德而隱。卽所謂隱名如來藏也。昏迷倒惑。其理常存。故不易乎世。佛性之名未彰。故不成乎名。終日行而不自

覺。枉入諸趣。然畢竟在凡不減。故遯世無悶。不見是而無悶。樂則行之。而行者亦是佛性。憂則違之。而違者亦是佛性。終日隨緣。終日不變。故確乎其不可拔也。

亢二曰。見龍在田利見大人。何謂也。子曰。龍德而正中者也。庸言之信。庸行之謹。閑邪存其誠。善世而不伐。德博而化。易曰。見龍在田利見大人。君德也。文亦可解。若約名字卽佛釋者。庸言庸行。祇是身口七支。以知法性無染汙。故隨順修行尸波羅密。

從此闖九界之邪而存佛性之誠。初心一念圓解。善根已超三乘權學塵劫功德而不自滿假。故其德雖博亦不存德博之想以成我慢也。發心畢竟二不別如是二心先心難故雖名字初心已具佛知佛見而爲君德。

九三曰君子終日乾乾夕惕若厲无咎何謂也子曰君子進德修業忠信所以進德也修辭立其誠所以居業也如至至之可與幾也知終終之可與存義也是故居上位而不驕在下位而不憂故乾乾因其時

而惕雖危无咎矣

忠信是存心之要而正所以進德修辭立誠是進修之功而正所以居業此合外內之道也可往則往是其幾可止則止是其義進退不失其道故上下無不宜矣若約佛法六卽釋者正觀行位中圓妙功夫也直心正念真如名爲忠信所以進德而爲正行也隨說法淨則智慧淨導利前人化功歸己名爲修辭立誠所以居業而爲助行也知至至之是妙觀知終終之是妙止止觀雙行定慧具足

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

則能上合諸佛慈力而不驕下合衆生悲仰而不
憂矣

九四曰或躍在淵无咎何謂也子曰上下无常非爲
邪也進退无恒非離羣也君子進德修業欲及時也
故无咎

此正闡明舜禹避位仍卽登位之心事也若約佛
法者直觀不思議境爲上用餘九法助成爲下心
心欲趨薩婆若海爲進溪觀六卽不起上慢爲退
欲及時者欲于此生了辨大事也此身不向今生

度更向何生度此身設不證入圓住正位不名度
二死海

九五曰飛龍在天利見大人何謂也子曰同聲相應
同氣相求水流濕火就燥雲從龍風從虎聖人作而
萬物覩本乎天者親上本乎地者親下則各從其類
也

此明聖人垂衣裳而天下治初非有意有造作也
佛法釋者如來成正覺時悉見一切衆生成正覺
初地離異生性入同生性大樂歡喜悉是此意乃

至證法身已入普現色身三昧。在天同天。在人同人。皆所謂利見大人。法界六道所同仰也。

上九曰亢龍有悔。何謂也。子曰。貴而無位。高而无民。賢人在下位而无輔。是以動而有悔也。

李衷一曰。從來說聖人無亢却都從履滿招損上。看夫子乃以无位无民无輔表之。此堯舜有天下而不與之心也。非位喪民叛賢人離去之謂也。動字下得妙。無停思。無貳慮。天下極重難反之局止在聖人一反掌間。致悔之由。止在一動處亢之術。

止在一悔。佛法釋者。法身不墮諸數故貴而无位。佛果出九界表故高而无民。寂光非等覺以下境界故賢人在下位而无輔。是以究竟位中必逆流而出示同九界。還現嬰兒行及病行也。

潛龍勿用下也。見龍在田時舍也。終日乾行事也。或躍在淵自試也。飛龍在天上治也。亢龍有悔窮之災也。乾元用九。天下治也。

此以時位重釋六爻之義也。用九而曰乾元正顯。乾卦全體大用。亦顯潛見惕躍飛亢皆无首而皆

卷一
吉

卷一
吉

卷一
吉

吉。佛法釋者。理卽佛爲貶之極。故下名字卽佛未有功夫。故時舍五品位。正修觀行。故行事相似。位擬欲證真。故自試。分證位八相成道。故上治。究竟位不任涅槃。故窮之災。用九則以修合性。故天下治也。

潛龍勿用。陽氣潛藏。見龍在田。天下文明。終日乾乾。與時偕行。或躍在淵。乾道乃革。飛龍在天。乃位乎天德。亢龍有悔。與時偕極。乾元用九。乃見天則。此兼約德之與時。再釋六爻之義也。與時偕極。對

與時偕行。看皆所謂時乘御天者也。乃見天則。則潛而勿用。亦天則乃至亢。而有悔亦天則也。佛法釋者。佛性隱在衆生身中。故潛藏。一聞佛性。則知心佛衆生三無差別。故天下文明。念念與觀慧相應。無間故。與時偕行。捨凡夫性入聖人性。故乾道乃革。由證三德。方坐道場。故位乎天德。天德者。天然之性德也。極則必返證佛果者。必當同流九界。性必具修。全性起修。乃見性修不二之則。乾元者。始而亨者也。利貞者。性情也。乾始能以美利。

卷一

卷一

卷一

利天下不言所利。大矣哉。

前約仁禮義智四德以釋元亨利貞。今更申明四德一以貫之。統惟屬乾而非判然四物也。舉一乾字必具元德。舉一元字必統四德。元之大。卽乾之大矣。

大哉乾乎。剛健中正純粹精也。六爻發揮旁通情也。乾具四德而非定四。故大。故復以剛健等七字而渙贊之。卦言其體爻言其用。卦據其定爻據其變。體大則用亦大。體剛健中正純粹精則用亦剛健。

中正純粹精矣。

時乘六龍以御天也。雲行雨施天下平也。上明乾德體必具用此明聖人因用以得體也。佛法釋者此章申明性必具修修全在性也。佛性常住之理名爲乾元。无一法不從此法界而始无一法不由此法界而建立生長亦無有一法而不卽以此法界爲其性情。所以佛性常住之理徧能出生就百界千如之法。而實無能生所能利所利。以要言之。卽不變而隨緣。卽隨緣而不變。豎窮。

橫徧絕待難思但可强名之曰大耳。其性雄猛物
莫能壞故名剛。依此性而發菩提心能動無邊生
死大海故名健。非有无真俗之二邊故名中。非斷
常空假之偏法故名正。佛性更無少法相雜故名
純。是萬法之體要故名粹。無有一微塵處而非佛
性之充徧貫徹者故名精所以只此佛性乾體渙
爾具足六爻始終修證之相以旁通乎十界迷悟
之情此所謂性必具修也聖人乘此卽而常六之
龍以御合于六而常卽之天自既以修合性遂能

稱性起于身雲施于法雨悉使一切衆生同成正
覺而天下平此所謂全修在性也

君子以成德爲行日可見之行也潛之爲言也隱而
未見行而未成是以君子弗用也

此下六爻皆但約修德兼約通塞言之。佛法釋者
成德爲行謂依本自天成之性德而起行也。旣全
以性德爲行則狂心頓歇歇卽菩提故爲日可見
之行也然猶云潛者以其雖則開悟習漏未除故
佛性猶爲虛妄煩惱所隱而未現而正助二行尚

在觀行相似未成般若解脫三德是以君子必以修德成之而弗專用此虛解也

君子學以聚之問以辯之寬以居之仁以行之易曰見龍在田利見大人君德也

學問是聞慧寬居是思慧仁行是修慧從三慧而入圓住開佛知見卽名爲佛故云君德九三重剛而不中上不在天下不在田故乾乾因時而惕雖危无咎矣

重剛者自強不息有進而無退也不中者不著中

道而匆匆取證也上不在天者未登十地入佛知見也下不在田者已超十住開佛知見因時而惕正是不思議十行法門偏入法界而能行于非道通達佛道故雖危无咎九四重剛而不中上不在天下不在田中不在人故或之或之者疑之也故无咎

重剛不中亦如上說中不在人謂已超十行示佛知見也或之者廻事向理廻因向果廻自向他和融法界而無所偏倚有似乎疑之也疑者擬議以

成變化之謂。故雖似有修證之事而實無事也。夫大人者與天地合其德。與日月合其明。與四時合其序。與鬼神合其吉凶。先天而天弗違。後天而奉天時。天且弗違。而况于人乎。况于鬼神乎。

十地入佛知見。如天普覆。如地普載。如日照晝。如月照夜。如四時次序之始終。萬物如鬼神吉凶之折攝。羣機根本妙智。窮法界無始之始。差別妙智。建法界無時之時。理既相契。弗違則凡人與鬼神總固于一理者。安得不相順而利見哉。

亢之爲言也。知進而不知退。知存而不知亡。知得而不知喪。其唯聖人乎。知進退存亡而不失其正者。其唯聖人乎。

一凡有慧无定者。惟知佛性之可尚。而不知法身之能流轉五道也。惟知佛性之無所不在。而不知肯覺合塵之不亡而亡也。惟知高談理性之爲得。而不知揆無修證之爲喪也。惟聖人能知進退存亡之差別。而進亦佛性。退亦佛性。存亦佛性。亡亦佛性。進退存亡。不會增減佛性。佛性不礙進退存亡。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

故全性起修。全修在性而不失其正也。若徒侍佛性不幾亢而非龍乎。又約究竟位中解者。示現成佛是知進。示現九界是知退。示現聖行梵行嬰兒行是知存。示現病行是知亡。而于佛果智斷無所缺減。是不失其正也。

三三二 坤下

坤元亨利牝馬之貞君子有攸往先迷後得王利西南得朋東北喪朋安貞吉

六畫皆陰故名爲坤。坤者順也。在天爲陰。在地爲

柔。在人爲仁。在性爲寂。在修爲止。又在器界爲載。在根身爲腹。爲腑臟。在家爲妻。在國爲臣。順則所行無逆。故亦元亨。然必利牝馬之貞。隨順牡馬而不亂。其在君子之體。坤德以修道也。必先用乾智以開圓解。然後用此坤行以卒成之。若未有智解。先修定行。則必成暗證之迷。惟隨智後用之。則得主而有利。如日足並運。安隱入清涼池。亦如巧力並具。能中于百步之外也。若往西南。則但得陰之朋類。如水濟水。不堪成事。若往東北。則喪其陰之

朋黨而與智慧相應。方安于定慧均平之貞而吉也。

彖曰至哉坤元萬物資生乃順承天坤厚載物德合元疆。合弘光大品物咸亨。牝馬地類行地无疆柔順利貞君子攸行先迷失道後順得常西南得朋乃與類行東北喪朋乃終有慶安貞之吉應地无疆。

此傳詳釋彖辭先約地道明坤四德次明君子體坤德而應地道也資始所以稟氣資生所以成形由稟氣故方得成形故名順承天也德合无疆言。

其與天合德西南則兌離以及于巽皆陰之類東北則震艮以至坎乾可賴之以終吉矣佛法釋者以坤表多所含蓄而无積聚之如來藏性約智名乾約理名坤約照名乾約寂名坤又可約性名乾約修名坤又可修中慧行名乾行名坤乾坤實無先後以喻理智一如寂照不二性修交徹福慧互嚴今于无先後中說先後者由智故顯理由照故顯寂由性故起修由慧故導福而理與智冥寂與照一修與性合福與慧融故曰至哉坤元萬物

資生乃順承天也。稱理之行。自利利他。一行一切行。故德合于无疆之智而含弘光大也。牝馬行地。雖順而健。三昧隨智慧行。所以爲佛之三昧也。夫五度如盲。般若如導。若以福行爲先。則佛知見未開。未免落于旁蹊曲徑而失道。惟以智導行。行順于智。則智常而行亦常。故西南得朋。不過與類俱行而已。惟東北喪朋。則于一行中具見佛性。而行行无非法界。當體絕待。終有慶矣。所以安貞之吉。定慧均平。乃可應如來藏性之无疆也。

象曰。地勢坤。君子以厚德載物。

性德本厚。所以地勢亦厚。今法地勢以厚積其德。荷載羣品。正以修合性之真學也。初六履霜堅冰至。象曰。履霜堅冰。陰始凝也。馴致其道至堅冰也。此爻其靜爲垢。其變爲復。垢則必至于坤。復則必至于乾。皆所謂馴致其道者也。問曰。乾坤之初爻等耳。乾胡誠以勿用。坤胡決其必至乎。答曰。陽性動。妄動恐其洩也。故誠之。陰性靜。安靜則有成也。

故決之。積善積惡皆如履霜。餘慶餘殃皆如堅冰。陽亦有剛善剛惡。陰亦有柔善柔惡。不當偏作陰柔邪惡釋之。說統云。善乾惡坤。此晉魏大謬處。九家易曰。霜者乾之命。堅冰者陰功成也。京氏曰。陰雖柔順氣則堅剛。爲无邪氣也。陰中有陽氣積萬象。孫聞斯曰。墮霜不殺。菽冬无冰。春秋皆爲記異。然時霜而霜時。冰而冰正令正道。以堅冰爲至。而至之自初也。如是謂凝謂順。冰畢竟是陰之所結。然惟陽伏于內。敵陰氣外。沴而爲冰。聖人於乾曰。

爲冰明。是此處註脚。馴致二字。正表坤德之順處。

脚跟无霜不秋而凋。面孔无血見敵輒走。若約佛法釋者。乾之六爻兼性修而言之。坤之六爻皆約修德定行而言。初上二爻表世間味禪之始終。中間四爻表禪波羅密具四種也。一卽世間淨禪而達實相。三卽亦世間亦出世禪。四卽出世間禪。五卽非世間非出世禪。又借乾爻對釋。初九有慧无定。故勿用。欲以養成其定。初六以定含慧。故如履霜。若馴致之。則爲堅冰之乾德。九二中道妙慧。故

80

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

利見大人。六二中道妙定故无不利。九三慧過于定故惕厲而无咎。六三定有其慧故含章而可貞。九四慧與定俱故或躍而可進。六四定過于慧故括囊而无譽。九五大慧中正故在天而利見。六五大定卽慧故黃裳而元吉。亢以慧有定而知悔。戰則定无慧而道窮也。又約乾爲正行坤爲助行者。坤之六爻卽表六度。布施如履霜馴之可致堅冰。冰者乾德之象故云乾爲冰也。持戒則直方大攝律儀故直。攝善法故方。攝衆生故大。忍辱爲含章。

力中最故精進如括囊于法无遺失故禪定如黃裳中道妙定徧法界故智慧如龍戰破煩惱賊故六二直方大不習无不利。象曰六二之動直以方也不習无不利地道光也。純柔中正順之至也順理故直依理而動故方既直且方則必大矣。此地道本具之德非闡習也。佛法釋者世間淨禪即是實相故直方大正念真如爲直定之體也。善法无缺爲方定之相也。功德廣博爲太定之用也。世間淨禪法爾本具實相三德。

能于根本禪中通達實相。故不習而无不利也。向淨禪中覲實相理名之爲動。動則三德之理現前。于禪開秘密藏故地道光。

六三。含章可貞。或從王事。知光大也。以時發也。或從王事。知光大也。

蘇眉山曰。三有陽德。苟用其陽。則非所以爲坤也。故有章而含之。有章則可以爲正矣。然以其可正而遂專之。亦非所以爲坤也。故從事而不造事。无成而代有終。佛法釋者。亦世間亦出世禪。亦愛亦。

策。故含章而可貞。或從一乘。无上王三昧事。則借此可發出世上上妙智而有終。不復成次第禪矣。六四。括囊。无咎无譽。象曰。括囊。无咎慎不害也。得陰之正。而處于上卦之下。位高任重。故括囊以自慎焉。吳幼清曰。坤體虛而容物。囊之象也。四變爲奇塞。壓其上。猶括結囊之上口。人之謹閉其口而不言。亦猶是也。蘇眉山曰。咎與譽。人之所不能免也。出乎咎。必入乎譽。脫乎譽。必罹乎咎。咎所以致罪。而譽所以致疑也。甚矣。无譽之難也。佛法釋。

者出世間禪切忌取證。取證則墮聲聞辟支佛地。雖無生死之咎亦無利他之譽矣。若能慎其誓願。不取小證。則不爲大乘之害也。與釋人之酒不對黃裳元吉文在中也。謂其可六五黃裳元吉。象曰。黃裳元吉。文在中也。與釋人之酒不對黃裳元吉文在中也。謂其可黃者中色君之德也。裳者下飾臣之職也。三分天下有其二以服事殷斯之謂乎。佛法釋者非世間非出世禪。禪卽中道實相故黃不起滅定現諸威儀同流九界故如裳此真无上菩提法門故元吉。定慧弗嚴名才。修在性名文在中

上六龍戰于野其血玄黃。象曰。龍戰于野其道窮也。其靜爲夬其變爲剝皆有戰之義焉。善極則斷惡必盡惡極則斷善必盡。故窮則必戰。戰則必有一傷也。陳旻昭曰。此天地旣已定位而震龍欲出故戰于野也。震爲龍爲玄黃氣已盛故爲血。窮乎上者必反下故爲屯卦之初爻。夫乾坤立而有君故次之以屯。有君則有師故次之以蒙。屯明君道蒙明師道。乾坤卽天地父母合而言之天地君親師也。佛法釋者无想天灰凝五百劫而墮落。非非想。

天八萬大劫而還作飛狸牛蟲乃至四禪無聞比丘墮阿鼻獄皆偏用定而不知以慧濟之故至于如此之窮

用六利永貞象曰用六永貞以大終也

此總明百九十二陰爻所以用六而不用八之旨也。八爲少陰靜而不變。六爲老陰動而變陽。今筮得坤卦六爻皆六。則變爲乾卦。不惟順承乎天。亦且爲天行之健矣。佛法釋者。用八如不發慧之定。用六如發慧之定。發慧之定。一切皆應久修習之。

禪波羅密至佛方究竟滿故曰大終

文言曰。坤至柔而動也剛。至靜而德方。後得主而有常。含萬物而化光。坤道其順乎。承天而時行。

此仍以地道申贊坤之德也。贊乾則自元而亨而利而貞。贊坤則自貞而利而亨而元。乾之始必徹終。而坤之終必徹始也。文並可知。佛法釋者。卽是直贊禪波羅密。以其住寂滅地。故至柔至靜。以其能起神通變化。普應羣機。感而遂通。故動剛德方。由般若爲導而成故。後得王而有常。所謂般若常

易經

卷一

三

故禪亦常也。于禪中具足萬行。一一妙行。與智相應。導利含識。故含萬物而化光。非智不禪。故坤道爲順。非禪不智。故承天時行也。

積善之家必有餘慶。積不善之家必有餘殃。臣弑其君子。弑其父。非一朝一夕之故。其所由來者漸矣。由辯之不早辯也。易曰履霜堅冰至。蓋言順也。

順卽馴致其道之謂。洪化昭曰。臣而順必不弑君子。而順必不弑父。此正所謂辯之于早者。不作慎字解。陳非白問曰。何故積善餘慶。積惡餘殃。不發

如明于乾之初爻。而明于坤之初爻耶。答曰。乾是智巧。坤是聖力。非智巧則不能知善知惡。非聖力則不能積善積惡。故曰乾知大始。坤作成物。佛法釋者。十善爲善。十惡爲不善。无漏爲善。有漏爲不善。利他爲善。自利爲不善。中道爲善。二邊爲不善。圓中爲善。但中爲不善。善卽君父之義。不善卽臣子之義。以善統御。不善則不善卽善之臣子。以不善妨礙于善。則善遂爲不善所障。如君父之被弑矣。所以千里之行始于一步。必宜辯之于早也。

直其正也。方其義也。君子敬以直內。義以方外。敬義立而德不孤。直方大不習。无不利則不疑其所行也。惟正故直。惟義故方。直方皆本具之德。而敬之一字。乃君子修道之要術也。敬卽至順順。則必直且方。而德不孤。可謂大矣。佛法釋者。正念真如。是定之內體。其一切義而無減缺。是定之外相。既具內體。外相。則必大用。現前而德不孤。所以于禪開秘密。藏了了見于佛性。而无疑也。

陰雖有美。含之以從王事。弗敢成也。地道也。妻道也。陰雖有美。舍之以從王事。弗敢成也。地道也。妻道也。

臣道也。地道无成而代有終也。
文義可知。佛法釋者。亦世間亦出世。禪雖卽具足實相之美。但含而未發。以此爲王三昧之助。弗宜偏修以至成也。蓋禪定隨智慧行。如地承天。如妻子隨夫。如臣輔君。然智慧不得禪定。則不能終其自利。利他之事。故禪定能代有終也。

天地變化。草木蕃。天地閉。賢人隱。易曰。括囊无咎。无譽。蓋言謹也。蓋言謹也。天地三昧。工木水火。皆閑鑿主。要審人能謹。則可以成變化。變化則草木亦蕃。不謹。則天

地必閉閉則雖賢人亦隱矣。安得不括囊哉。佛法釋者定慧變化則三草二木各得潤澤生長。若入于出世果證則灰身泯智而无利生之事矣。故修此法門者不可以不謹也。

君子黃中過理。正位居體美在其中而暢于四支發于事業美之至也。黃是中色節表中德。德雖在中而通乎腠理。故雖屬正位仍居四體。此釋黃裳義也。美在其中等。重牒上義以釋元吉之義。佛法釋者以黃中三昧而

通達實相之理。實相雖名正位。偏入一切諸法而居衆體。蓋惟深證非世間非出世上上之禪。故能暢于四支發于事業。而三輪不思議化普利法界。乃爲美之至也。

陰疑于陽必戰。爲其嫌于无陽也。故稱龍焉。猶未離其類也。故稱血焉。夫玄黃者。天地之雜也。天玄而地黃。

夫陰陽皆本于太極。則本一體。何至相疑而戰哉。

陰者見之謂之陰不知與陽同體故亦疑陽而必戰方陰之盛而戰陽則有似乎无陽故稱龍以明陽本未嘗无焉。逮陰之動而變陽則似離乎陰類故稱血以明陰仍未離類焉。夫惟動而將變故玄黃相雜耳。變定之後天玄地黃豈可雜哉。子韶風草頌云君子何嘗去小人小人如草去還生但令鼓舞心歸化不必區區務力爭得此旨者可以立消朋黨之禍不然君子疑嫌小人小人亦疑嫌君子不至兩敗俱傷者幾希矣。佛法釋者始則誤

認四禪爲四果及至後陰相現則反疑四果不受後有之說爲虛而起謗佛之心是必戰也然世間豈無真證四果智德者耶故稱龍以顯四果之非虛焉彼雖自謂四果止是暗證味禪實未離于生死之類故稱血以定其類焉夫玄黃者定慧俱傷之象也以定傷慧慧傷而定亦傷然此但約修德故言傷耳若本有寂照之性則玄自玄黃自黃雖闡提亦不能斷性善雖昏迷倒惑其理常存豈可得而雜哉又觀心釋者陰陽各論善惡今且以陰

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

爲惡以陽爲善。善惡无性。同一如來藏性。何疑。何戰。惟不達性善性惡者。則有无相傾。起輪廻見而必戰。戰則埋沒无性之妙性。似乎无陽。故稱龍。以顯性善之不斷焉。既以善惡相抗。則二俱有漏。故稱血以顯未離生死類焉。夫善惡相傾奪者。由未達妙性體一。而徒見幻妄事相之相雜也。實則天玄地黃。性不可改。何嫌何疑。何法可相戰耶。善惡不同。而同是一性。如玄黃不同。而同是眼識相分。天地不同。而同一太極。又如妍媸影像不同。而同

在一鏡也。若知不同而同。則決不敵對相除而成戰。若知同而不同。則決應熏習无漏善種。以轉惡矣。

周易禪解卷第一

祖堂修如捐貲刻

周易

卷二

三

三

周易解卷第二

周易解卷第二

卷

離奇聯同而不同。即火離震雷天滅善。離火乾

離一卦。合之便不同而同。離火不道。震雷而

周易解卷第二

一公時師之次。合之北天日道人薄益智旭著。上經之二

震下

坎上

屯。元亨利貞勿用有攸往利建侯。一車既飾

乾坤始立。

震一索而得

男爲動爲

雷。坎再索而得

男爲陷爲

險爲雲爲雨。乃萬物始生之時出而未

申之象也。始則必亨。始或不正則終于不正矣。故

元亨而利于正焉。此元亨利貞卽乾坤之元亨利

貞也。乾坤全體太極則屯亦全體太極也。而或謂
乾坤二卦太餘卦小不亦惑乎。夫世既屯矣。倘務
往以求功。祇益其亂。唯隨地建侯。俾人人各歸其
主。各安其生。則天下不難平定耳。楊慈湖曰。理屯
如理絲。固自有其緒。建侯其理之緒也。佛法釋者
有一劫初成之屯。有一世初生之屯。有一事初難
之屯。有一念初動之屯。初成初生初難。姑置弗論。
一念初動之屯。今當說之。蓋乾坤二卦表妙明。明
妙之性。覺必明。妄爲明覺。所謂真如。不守自

性。無明初動。動則必至。因明立所。而生妄能成。異
立同。紛然難起。故名爲屯。然不因妄動。何有修德。
故曰。无明動而種智生。妄想興而涅槃現。此所以
元亨而利貞也。但一念初生。旣爲流轉根本。故勿
用有所往。有所往則是順无明而背法性矣。惟利
卽于此處用智慧深觀察之。名爲建侯。若以智慧
觀察。則知念无生相。而當下得太平矣。觀心妙訣
孰過于此。

家曰。屯剛柔始交而難生。動乎險中。大亨貞。雷雨之

動滿盈。天造草昧。宜建侯而不寧。中大亨貞雷雨之
乾坤立而剛柔交。一索得震爲雷。再索得坎爲雨。
非難生乎。由動故大亨。由在險中故宜貞。夫雷雨
之動本天地所以生成萬物。然方其盈滿交作時。
則天運尚自草亂昧暝諸侯之建本聖王所以安
撫萬民。然方其初建又豈可遽謂寧貼哉。佛法釋
者。无明初動爲剛。因明立所爲柔。既又能所。便爲
三種相續之因。是難生也。然此一念妄動。既是流
轉初門。又卽還滅關竅。惟視其所動何如耳。當此

際也。三細方生六麌頓具。故爲雷雨滿盈。天造草
昧之象。宜急以妙觀察智重重推簡。不可坐在滅
相。无明窠臼之中。蓋凡做功夫人。若見雜念暫時
不起。便妄認爲得力。不知滅是生之窟宅。故不可
守此境界。還須推破之也。

因卷二上經也
象曰。雲雷屯。君子以經綸。雷雨作。雷行山澤。時雨
在器界。則有雲雷以生草木。在君子則有經綸以
自新。新民。約新民。論經綸古人言之詳矣。約自新
論經綸者。豎觀此心。不在過現未來。出入无時名。

爲經。橫觀此心不在內外中間。莫知其鄉名爲綸也。佛法釋者。迷于妙明。明妙真性。一念无明。動相卽爲雷。所現晦昧境界之相。卽爲雲。從此便有三種相續名之爲屯。然善修圓頓止觀者。只須就路還家。當知一念動相。卽了因智慧性。其境界相。卽緣因福德性。于此緣了。二因。豎論三止。三觀名經。橫論十界。百界千如。名綸也。此是第一觀。不思議境。

初九。磐桓。利居貞。利建侯。

有君德而无君位。故磐桓而利居貞。其德既盛。可爲民牧。故利建侯以濟屯也。佛法釋者。一念初動。一動便覺。不隨動轉。名爲磐桓。所謂不遠之復。乃善于修證者也。由其正慧爲主。故如頓悟法門。象曰。雖磐桓。志行正也。以貴下賤。大得名也。

磐桓不進。似无意于救世。然斯世決非强往求功者所能救。則居貞乃所以行正耳。世之屯也。由上一下之情隔絕。今能以貴下賤。故雖不希望爲侯。而大得民心。不得不建之矣。佛法釋者。不隨生死流。

乃其隨順法性流而行于正者也。雖復頓悟法性之貴。又能不廢事功之賤。所謂以中道妙觀徧入因緣事境。故正助法門並得成就。而大得民

六二。屯如遭如。乘馬班如匪寇婚媾。女子貞不字。十年乃字。

柔德中正上應九五。乃乘初九得民之侯。故遭如班如而不能進也。初本非寇。而二視之則以爲寇矣。吾豈與寇爲婚媾哉。寧守貞而不字。至于十年之久。乃能字于正應耳。吳幼清曰。二三四在地。

數十過坤十數則逢五正應而許嫁矣。佛法釋者。此如從次第禪門修證功夫。蓋以六居二。本是中正定法。但不能頓超。必備歷觀練熏修諸禪方見佛性。故爲十年乃字。

象曰。六二之難乘剛也。十年乃字。反常也。

乘剛故自成難。非初九難之也。數窮時極。乃反于常。明其不失女子之貞。佛法釋者。乘剛卽是煩惱障重。故非次第深修諸禪。不足以斷惑而反歸法性之常。

六三。卽鹿无虞。惟入于林中。君子幾不如舍。往吝。欲取天下。須得賢才。譬如逐鹿。須藉虞人。六三。自既不中。不正。又无應與。以此濟屯。屯不可濟。徒取羞耳。佛法釋者。欲修禪定。須假智慧。自无正智。又无明師良友。瞎鍊盲修。則墮坑落塗。不待言矣。君子知幾。寧捨蒲團之功。訪求知識爲妙。若自信自恃。一味盲往。必爲无聞比丘。反招墮落之咎。象曰。卽鹿无虞。以從禽也。君子舍之。往吝窮也。堯舜揖讓。固是有天下而不與。湯武征誅。亦是萬

不得已爲救斯民。非富天下。今六三不中。不正。居下之上。假言濟屯。實貪富貴。故曰以從禽也。從禽已。非聖賢安世之心。况无應與。安得不吝且窮哉。佛法釋者。貪著味禪。名爲從禽。本无菩提大志。願故去。

六四。乘馬班如。求媚媾往。吉。无不利。

柔而得正。居坎之下。近于九五。進退不能自決。故乘馬而班如也。夫五雖君位。不能以貴下賤。方屯其膏。初九得民于下。實我正應。奈何不急往乎。故

以吉无不利策之。佛法釋者。六四正而不中。以此定法而修則其路迂遠難進。惟求初九之明師良友以往。則吉无不利矣。象曰。求而往。明也。

佛法釋者。不恃禪定功夫而求智慧師友。此真有決擇之明者也。

九五。屯其膏。小貞吉。大貞凶。
屯難之世。惟以貴下賤。乃能得民。今尊居正位。事應六二。膏澤何由普及乎。夫小者患不貞。一。大者

患不廣博。故在二則吉。在五則凶也。佛法釋者。中正之慧固可斷惑。由其早取正位。則隍聲聞辟支佛地。所以四弘膏澤。不復能下于民。在小乘則速出生死而吉。在大乘則違遠菩提而凶。

象曰。屯其膏。施未光也。

是非无小施。特不合于大道耳。

上六。乘馬班如。泣血連如。

以陰居陰。處險之上。當屯之終。三非其應。五不足歸。而初九又甚相遠。進退无據。將安歸哉。佛法釋

者。一味修于禪定而無慧以濟之。雖高居三界之頂。不免窮空輪轉之殃。決不能斷惑出生死。故乘馬班如八萬大劫。仍落空亡。故泣血漣如。

象曰。泣血漣如何可長也。

佛法釋者。八萬大劫。究竟亦是無常。

三三 坎坎下

艮上

蒙亨匪我求童蒙。童蒙求我。初筮告。再三瀆。瀆則不告。利貞。

再索得坎。既爲險爲水。三索得艮。復爲止爲山。遇

險而止。水涵于山。皆蒙昧未開發之象也。蒙雖有蔽于物。物豈能蔽性哉。故亨。但發蒙之道不可以我求蒙。必待童蒙求我。求者誠則告之。必達求者。賣則告者亦賣矣。賣豈發蒙之正理。不憤不啓。不悱不發。孔子真善于訓蒙者也。佛法釋者。夫心不動。則已。動必有險。遇險必止。止則有反本還源之機。蒙所以有亨道也。蒙而欲亨。須賴明師良友。故一凡爲師友者。雖念念以教育成就爲懷。然須待其求我方成機感。又必初筮則告。方顯法之尊重。其

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

所以告之者。又必契理契機而貞然後可使人人爲聖爲佛矣。

彖曰。蒙。山下有險。險而止。蒙亨。以亨行時中也。匪我求童蒙。童蒙求我。志應也。初筮告。以剛中也。再三賛。賛則不告。賛蒙也。蒙以養正。聖功也。山下有險。卽是遇險而止。故名爲蒙。蒙之所以可亨者。由有能亨人之師。善以時中行教故也。雖有善教。必待童蒙求我者。彼有感通之志。然後可應。如水清方可印月也。初筮卽告者。以剛而得中。故

應不失機也。賛則不告者。非是恐其賛我。正恐賛蒙而有損无益也。及其蒙時。卽以正道養之。此聖人教化之功。令彼亦得成聖者也。

象曰。山下出泉。蒙。君子以果行育德。

溪澗不能留故爲果行之象。盈科而後進。故爲育德之象。自既果行。育德便可爲師作範矣。佛法釋者。此依不思議境。而發真正菩提心也。菩提之心不可沮壞。如泉之必行。四弘廣被。如泉之潤物。初六發蒙。利用刑人。用說桎梏。以往吝。

以九二上九。二陽爲師道。以餘四陰爻爲弟子。初六以陰居下。厥蒙雖甚。而居陽位。又近九二。故有可發之機。夫蒙昧既甚。須用折伏法門。故利用刑人。所謂朴作教刑也。然旣說桎梏之後。當羞愧懲艾。而不出。若遽有所往。則吝矣。

象曰。利用刑人。以正法也。

以正法而朴作教刑。豈瞋打之謂哉。

九二。包蒙吉。納婦吉。子克家。以正法義之出
以九居二。知及之。仁能守之。師之德也。蘇眉山曰。

童蒙若无能爲。然容之。則足爲助。拒之。則所喪多矣。明不可以无蒙。猶子不可以无婦。子而无婦。不能家矣。佛法釋者。定慧平等。自利已成。故可以包容覆育羣蒙。而吉。以此教授羣蒙。修行妙定。名納婦吉。定能生慧慧能紹隆佛種。爲子克家。婦是定子。是慧也。吸女與金大酒。夫酒善十體出。舉音一

象曰。子克家。剛柔接也。無大言。除今食其
明納婦而云子克家者。以定必發慧慧。必與定平等。而非偏也。

六三。勿用取女。見金夫。不有躬。无攸利。

以陰居陽不中不正乃駁雜之質宜從上九正應處求其擊蒙之大鉗錘方可治病今貪九二之包容慈攝殆如女見金夫而失節者乎。佛法釋者不中不正則定慧俱劣而居陽位又是好弄小聰明者且在坎體之上機械已深若使更修禪定必于禪中發起利使邪見利使一發則善根斷盡矣象曰勿用取女行不順也

行不順故須惡辣鉗錘以煅煉之不可使其修定

六四。困蒙。吝。

陰爻皆蒙象也初可發三可擊五可包惟四絕無明師良友則終于蒙而已可耻孰甚焉

象曰困蒙之吝獨遠實也

非實德之師友遠我我自獨遠于師友耳師友且

奈之何哉

六五。童蒙吉。

以六居五雖大人而不失其赤子之心故爲童蒙而吉蓋上親上九之嚴師下應九二之良友故也。

蘇眉山曰。六五之位尊矣。恐其不安于童蒙之分而自强于明。故教之曰童蒙吉。

象曰。童蒙之吉。順以巽也。

學道之法順則能入。設行不順則入道无從矣。

上九擊蒙。不利爲寇。利禦寇。

陽居陰位。剛而不過。能以定慧之力擊破蒙昧之關者也。然訓蒙之道。原无實法。繫綴于人。所謂但有去翳法。別无與明法。若欲以我法授彼。則是爲寇。若應病與藥。爲其解粘去縛。則是禦寇也。

象曰。利用禦寇。上順也。

无實法繫綴于人。則三根普接。契理契機。故上下皆順。

三三
乾下
坎上

需。有孚惠心勿

亨。貞吉。利涉大川。

養蒙之法。不可欲速。類彼助苗。故必需其時節。因緣。時節若到。其理自彰。但貴因真。果正。故有孚則光。亨而貞吉也。始雖云需。究竟能度生死大川。登于大般涅槃彼岸矣。

彖曰。需須也。險在前也。剛健而不陷其義。不困窮矣。需有孚。光亨。貞吉。位乎天位。以正中也。利涉大川。往有功也。坎何嘗拒乾哉。且坎得乾之中爻。與乾合德。今九五。位乎天位。素與乾孚。則乾之利涉。往必有功。可無疑矣。佛法釋者。譬如五百由旬。險難惡道。名險在前。智慧之力。不被煩惱所陷。故終能度脫。而不困窮。坎中一陽。本卽乾體。喻煩惱險道之性。本如

來藏。以此不生不滅之性爲本修因。則從始至終。無非稱性天行之位。從正因性。中中流入。薩婆若海。故利涉大川。從凡至聖而有功也。

象曰。雲上於天。需。君子以飲食宴樂。

果行育德之後。更无餘事。但飲食宴樂。任夫雲行雨施而已。佛法釋者。助道行。行爲飲正道。慧行爲食。以稱性所起緣。了二因。莊嚴一性。如雲上于天之象。全性起修。全修在性。不藉劬勞。肯綮修證。故名宴樂。此是善巧。安心止觀。止觀不二。如飲食調

適

初九。需于郊利用恒无咎。
溫陵郭氏云。此如顏子之需。佛法釋者。理卽位中。不足以言需。名字位中。且宜恒以聞熏之力資其慧性。未與煩惱魔軍相戰也。

象曰。需于郊。不犯難行也。利用恒无咎。未失常也。

九二。需于沙。小有言。終吉。

郭氏云。此如孔子之需。佛法釋者。觀行位中。旣已伏惑。則魔軍動矣。故小有言。

象曰。需于沙。衍在中也。雖小有言。以吉終也。

九三。需于泥。致寇至。

郭氏云。此如周公之需。佛法釋者。相似位中。將渡生死大河。故有以致魔軍之來而後降之。

象曰。需于泥。災在外也。自我致寇。敬慎不敗也。

災既在外。故主人不迷客不得便。但以願力使其來戰。以顯降魔成道之力。而三觀之功效。而且慎決。無敗也。

六四。需于血。出自穴。

易單

卷二 上 經 需

十一

易經

卷二

十四

郭氏云此如文王之需。佛法釋者魔軍敗衄超然從三界穴出而成正覺矣。

象曰需于血順以聽也。未嘗用力降魔止是慈心三昧之力魔軍自退而菩提自成耳。

九五需于酒食貞吉。

郭氏云此如帝堯館甥之需。佛法釋者魔界如卽佛界如惟以定慧力莊嚴而度衆生故爲需于酒食。

食

彖曰酒食貞吉以中正也。

上六入于穴有不速之客三人來敬之終吉。

郭氏曰此如仁傑之結交五虎。佛法釋者不惟入佛境界亦可入魔境界還來三界廣度衆生觀三界依正因果諸法无不現現成成即是一心三觀故常爲三界不請之友而三界衆生有敬之者必終吉也。

象曰不速之客來敬之終吉雖不當位未大失也既同流三界雖不當佛祖之位而隨類可以度生。

設衆生有不知而不敬者亦與遠作得度因緣而

未大失也

☰☰_{乾上}

☱☱_{坎下}

訟。有孚窒惕中吉。終凶。利見大人。不利涉大川。
天在上而水就下。上下之情不通。所以成訟。然坎
本得乾中爻以爲體。則迹雖違而性未嘗非一也。
惕中則復性而吉。終訟則違性而凶。利見大人。所
以復性也。不利涉大川。誠其逐流而違性也。佛法
釋者。夫善養蒙之道。以圓頓止觀需之而已。若煩

惱習強不能无自訟之功。訟者懺悔尅責。改過遷
善之謂也。有信心而被煩惱惡業所障。窒當以慚
愧自惕其中而吉。若悔之不已。无善方便。則成悔
蓋而終凶。宜見大人以決擇開發斷除疑悔。不利
涉于煩惱生死大川。而終致陷沒也。

彖曰。訟。上剛下險。險而健。訟。訟有孚窒惕中吉。剛來
而得中也。終凶。訟不可成也。利見大人。尚中正也。不
利涉大川。入于淵也。

剛而無險。則不必自訟。險而无剛。則不能自訟。今

處煩惱險惡窟中。而慧性勇健。所以有自訟改過之心也。所謂有孚惠心者。以剛德來復于无過之體。僅取減罪。卽止不過悔以成蓋也。所謂終凶者。悔箭入心。則成大失。故不可使其成也。所謂利見大人者。中正之德。有以決疑而出罪也。所謂不利涉大川者。心垢未淨。而入生死海中。必至墮落。而不出也。約觀心者。修慧行。名見大人。修禪定。名涉大川。需約无過之人。故可習定訟。約有過之人。習定則發魔事也。

象曰。天與水違行。訟。君子以作事謀始。

天亦太極。水亦太極。性本无違。天一生水。亦未嘗違。而今隨虛妄相。則一上一下。其行相違。所謂意欲潔而偏染者也。祇因介爾一念。不能慎始。致使從性所起煩惱。其習漸強。而違于性。故君子必慎其獨。謹于一事一念之始。而不使其滋延難治。夫是之謂善于自訟者也。佛法釋者。是破法徧。謂四性簡責。知本无生。初六不永所事。小有言。終吉。

大凡善貴剛進惡宜柔退。初六柔退故爲惡未成改悔亦易。不過小有言而已。此如佛法中作法懺也。

象曰：不永所事。訟不可長也。雖小有言，其辨明也。

九二：不克訟。歸而逋其邑人三百戶。无眚。

剛而不正不能自克。以至于訟。然犯過既重。何能無損。但可逋逃處于卑約。庶免災耳。此如佛法中比丘犯戒退作與學沙彌者也。

象曰：不克訟。歸逋竄也。自下訟上。惠至掇也。

佛法釋者。自旣犯戒而居下流。欲以小小懺悔而復上位。罪必不減。且亂法門矣。

六三：食舊德。貞厲終吉。或從王事。无成。

六三陰柔。不敢爲惡。但謹守常規。小心翼翼。故得終吉。然是硜硜之士。恐不足以成大事也。

象曰：食舊德。從上吉也。

自立則不能附人。則仍吉。所謂倚松之葛。上聳千尋也。佛法釋者。雖非大乘法門。若開權顯實。則彼所行。亦即是菩薩道。故必從上乘圓頓之解方吉。

九四不克訟復卽命渝安貞吉

九四亦是不正之剛故不能自克以至于訟然居乾體則改悔力強故能復歸无過而悟性命淵微之體是則反常合道猶佛法中因取相懺而悟无生者也

象曰復卽命渝安貞不失也

九五訟元吉

剛健中正有不善未嘗不知知之未嘗復行乃至小罪恒懷大懼而不敢犯大善而吉之道也佛法

則性業遮業三千八萬无不清淨者矣

象曰訟元吉以中正也

上九或錫之鞶帶終朝三褫之

過極之剛不中不正數數犯過數數改悔就改悔處薄有慚愧之衣猶如鞶帶就屢犯處更无一日

清淨猶如三褫也

象曰以訟受服亦不足敬也

有過而改名爲慚愧已不若无過之足敬矣又何必至三褫而後爲恥哉此甚誠人不可輒犯過也

易經

三三坤下

卷二

上經

十九

師貞丈人吉无咎。夫能自訟則不至于相訟矣。相訟而不得其平則亂。亂則必至于用師。勢之不得不不然亦撥亂之正道也。但兵凶戰危非老成有德之丈人何以行之。佛法釋者蒙而无過則需以養之。蒙而有過則訟以改之。但衆生煩惱過患无量故對破法門亦復無量。無量對破之法名之爲師亦必以正治邪也。然須深知藥病因緣應病與藥猶如老將善知方

界。善知通塞方可吉而无咎不然法不逗機藥不治病未有不反爲害者也。

彖曰師衆也。貞正也能以衆正可以王矣。剛中而應行險而順以此毒天下而民從之吉又何咎矣。

用衆以正謂六五專任九二爲將統御羣陰此王者之道也。兵者不得已而用之猶藥治病故名爲毒天下。佛法釋者師是衆多法門貞是出世正印也能以衆多法門正无量邪惑則自利利他可以爲法王而統治法界矣。剛中則定慧莊嚴隨感而

應雖行于生死險道而未嘗不順涅槃以此圓頓妙藥如毒鼓毒乳毒于天下而九界之民皆悉從之吉又何咎矣

象曰地中有水師君子以容民畜衆

地中有水水載地也君子之德猶如水故能容陰民而畜坤衆容民卽所以畜衆未有成民以養兵者也爲君將者奈何弗深思哉佛法釋者一切諸法中悉有安樂性亦悉具對治法如地中有水之象故君子了知八萬四千塵勞門卽是八萬四千

法門而不執一法不廢一法也此是善識通塞如撫之則卽民卽兵失之則爲賊爲寇

初六師出以律否臧凶

大司馬九伐之法名之爲律師出苟不以律縱令微幸成功然其利近其禍遠其獲小其喪大故凶孟子所謂一戰勝齊遂有南陽然且不可也佛法釋者初機對治之法無過大小乘律若違律制則身口意皆悉不善而凶矣

象曰師出以律失律凶也

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

九二。在師中。吉无咎。王三錫命。

以大將才德膺賢王專任。故但有吉而无咎也。陳曼昭曰。九二以一陽而五陰皆爲所用。不幾爲權臣乎。故曰在師中吉。以見在朝則不可也。佛法釋者有定之慧。徧用一切法門自治治他。故吉且无咎。而法王授記之矣。

象曰。在師中吉。承天寵也。王三錫命。懷萬邦也。

自古未有无主于内。而大將能立功于外者。九二之吉。承六五之寵故也。爲天下得人者。謂之仁。故

三錫命于賢將。卽所以懷萬邦。佛法釋者。承天行而爲聖行。梵行等。所謂一心中五行。故爲法王。所寵而授記。以廣化萬邦也。

六三。師或輿尸。凶。

不中不正。才弱志剛。每戰必敗。不言可知。佛法釋者。不知四悉因緣。而妄用對治。反致損傷。自他慧命。

象曰。師或輿尸。大无功也。

六四。師左次。无咎。

雖柔弱而得正。不敢行險僥幸以自取敗。故无咎也。佛法釋者。此如宣律師。不敢妄號大乘。

象曰。左次无咎。未失常也。

六五。田有禽利執言。无咎。長子帥師。弟子與戶。貞凶。柔中之主。當此用師之時。仗義執言。以討有罪。固无過也。但恐其多疑而不專任九二之長子。故誠以弟子與戶。雖正亦凶。佛法釋者。田中有禽。妨害良禾。喻心有煩惱。妨害道芽也。利執言者。宜看經教。以照了之也。然看經之法。依義不依語。依了義。

不依不了義。依智不依識。若能深求經中義理。隨文入觀。則如長子帥師。若但著文字。不依實義。則如弟子與戶。雖貞亦凶。此如今時教家。

象曰。長子帥師。以中行也。弟子與戶。使不當也。上六。大君有命。開國承家。小人勿用。

方師之始。卽以失律。凶爲誠矣。今師終定功。又誠小人勿用。夫小人必徼律以取功者耳。蘇氏云。聖人用師。其始不求苟勝。故其終可以正功。佛法釋者。正當用對治時。或順治。或逆治。于通起塞。節塞。

成通事非一概。今對治功畢。入第一義悉檀。將欲開國承家。設大小兩乘教法以化衆生。止用善法。不用惡法。倘不簡邪存正。簡愛見而示三印。一印則佛法與外道幾無辨矣。

象曰。大君有命。以正功也。小人勿用。必亂邦也。

三三坤下

比。吉。原筮元永貞无咎。不寧方來。後夫凶。

用師旣畢。踐天位而天下歸之。名比。比未有不吉者也。然聖人用師之初心。但爲救民于水火。非食

天下之富貴。今功成衆服。原須細自筮審。果與元初心相合。而永貞乃无咎耳。夫如是。則萬國歸化。而不寧方來。彼負固不服者。但自取其凶矣。佛法釋者。善用對破法門。則成佛作祖。九界歸依。名比。又觀心釋者。旣知對破通塞。要須道品調適。七科三十七品。相屬相連。名比。仍須觀所修行。要與不生不滅本性相應。名原筮元永貞无咎。所謂圓四念處。全修在性者也。一切正勤根力等。尤不次第。相從名。不寧方來。一切愛見煩惱。不順正法門者。

則永被摧壞而凶矣

彖曰比吉也。比輔也。下順從也。原筮元永貞无咎以剛中也不寧方來。上下應也。後夫凶其道窮也。比則必吉故非衍文餘皆可知。佛法釋者約人則九界爲下。順從佛界爲輔。約法則行行爲下。順從慧行爲輔。剛中故能全性起修全修在性。上下應者約人則十界同稟道化。約法則七科皆會圓慧也。其道窮者約人則魔外不順佛化而墮落約法則愛見不順正法而被簡也。

象曰地上有水比先王以建萬國親諸侯

建萬國親諸侯卽所謂開國承家者也。佛法釋者地如境諦水如觀慧地如寂光水如三土差別皆比之象也。約化他則建三土刹綱令諸菩薩轉相傳化約觀心則立陰界入等一切境以爲發起觀慧之地觀慧名諸侯也。此是道品調適謂七科三十七品相比無間。

初六有孚比之无咎有孚盈缶終來有他吉柔順之民率先歸附有孚而无咎矣下賤之位雖

易經

卷二

三三

如缶器而居陽位。有君子之德焉。故爲有孚盈缶。
 將來必得徵庸。有他吉也。約佛法者。初六如人道。
 六二如欲天。六三如魔天。六四如禪天。九五如佛。
 爲法王。上六如无想及非非想天。今人道易趣苦。
 提故有他吉。約觀心者。初六如藏教法門。六二如
 通教法門。六三如愛見法門。六四如別教法門。九
 五如圓教真正法門。上六如撥無因果邪空法門。
 今藏教正因緣境開之。即是妙諦。故有他吉。

象曰。比之初六。有他吉也。

六二。比之自內。貞吉。

柔順中正之臣。上應陽剛中正之君。中心比之。故
 正而吉也。佛法釋者。欲天有福亦復有慧。但須內
 修淡定。又通教界內巧度與圓教全事。卽理相同。
 但須以內通外。

象曰。比之自內。不自失也。

六三。比之匪人。

不中不正。居下之上。又无陽剛師友以諫諍之。故
 曰。比之匪人。佛法釋者。魔波旬无一念之善。又愛

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

見決不與佛法相應

象曰。比之匪人。不亦傷乎。

六四。外比之。貞吉

柔而得正。近于聖君。吉之道也。但非其應。故名外比。誠之以貞。佛法釋者。色界具諸禪定。但須發菩提心。外修一切差別智門。又別教爲界外拙度。宜以圓融正觀接之。

象曰。外比于賢。以從上也。

九五。旣有賢德。又居君位。四外比之。理所當然。亦

分所當然矣。

九五。顯比。王用三驅。失前禽邑人。不誠。吉。

陽剛中正爲天下之共王。故名顯比。而聖人初无意于要結人心也。如成湯于四面之綱解其三面。任彼禽獸驅走。雖失前禽邑人。亦知王意而不警。誠此所謂有天下而不與吉之道也。佛法釋者。法王出世。如果日當空名顯比。三輪施化。又初中後三語誘度。又令種熟脫三世。得益名王用三驅。于無緣人善用大捨三昧。卽諸佛弟子。亦不強化无

80 1 2 3 4 5 6 7 8 9 100 1 2 3 4 5 6 7 8 9

緣之人。名失前禽邑人不誠。觀心釋者實慧開發。如赫日麗天名顯比。一心三觀。又轉接會前三教。名王用三驅。覺意三昧。隨起隨觀。不怕念起。只怕覺遲。一覺則歸于正念。不以前念之非介懷名失前禽邑人不誠。

象曰。顯比之吉位正中也。舍逆取順失前禽也。邑人不誠。上使中也。

上六。比之无首。凶。

陰柔无德反據聖王之上。衆叛親離不足以爲人。

首矣佛法釋者。窮空輪轉。不能見佛聞法。假饒八萬劫。不免落空亡。觀心釋者。豁達空撥因果。自謂毘盧頂上行。悟得威音王。那畔又那畔。實不與真實宗乘相應。業識茫茫。無本可據。生死到來。便如落湯螃蟹也。

象曰。比之无首。无所終也。

從屯至此六卦皆有坎焉。坎得乾之中爻。蓋中道妙慧也。其德爲陷爲險。夫煩惱大海。與薩婆若海。豈真有二性哉。且從古及今。无不生于憂患。死于

安樂。故四諦以苦居初。佛稱八苦爲師。苦則悚惕而不安。悚惕不安則煩惱海動而種智現前矣。聖人序卦之旨不亦甚深也與。

三三
巽上乾下

小畜亨密雲不雨自我西郊

畜阻滯也。又讀如蓄養也。遇阻滯之境不怨不尤。惟自養以消之。故亨然不可求速効也。約世法則如垂衣裳而天下治。有苗弗格。約佛法則如大集會中。魔王未順。約觀心則如道品調適之後。无始

事障偏強阻滯觀慧不能克證。然聖人御世不忌頑民。如來化度不嫌魔侶。觀心勝進豈畏夙障。譬諸拳石不礙車輪。又譬鐘擊則鳴。刀磨則利。猪揩金山。益其光彩。霜雪相加。松柏增秀。故亨也。然當此時雖不足畏。亦不可輕于取功。須如密雲不雨。自我西郊。直俟陰陽之和而後雨耳。蓋凡雲起于東者易雨。起于西者難雨。今不貴取功之易。而貴奏効之遲也。楊慈湖曰。畜有包畜之義。故云畜君。何尤。此卦六四以柔得近君之位。而上下諸陽皆

應之是以小畜大。以臣畜君故曰小畜。其理亦通。其六爻皆約臣畜君說亦妙。陳晏昭曰。小畜者以臣畜君如文王之畜紂也。亨者冀紂改過自新。望之之辭也。密雲不雨自我西郊者言祇因自我西郊故不能雨。怨已之德不能格君乃自責之辭。猶所云臣罪當誅。天王聖明也。六四則是出羑里時九五則是三分天下有二以服事殷之時。上九則是武王伐紂之時。故施已行而既雨然以臣伐君冒萬古不謹之名。故曰君子征凶。惡人嗜非求。

彖曰。小畜柔得位而上下應之。曰小畜健而巽。剛中而志行乃亨。密雲不雨尚往也。自我西郊施未行也。既畜矣而云小者。以在我之柔德既正。又有上下之剛應之。所以一切外難不足擾我。鎮定剛決之德反藉此以小自養也。健則无物欲之邪。巽則无躁動之失。剛中則慧與定俱。故其志得行而亨也。雲雖密而尚往。則修德不妨益進。自西郊而施未行。則取効不可欲速。

象曰。風行天上。小畜君子以懿文德。

鼓萬物者莫妙于風。懿文德猶所謂遠人不服則修文德以來之舞于羽于兩階而有苗格。即是其驗。故曰君子之德風也。觀心則徧用事六度等對治助開名懿文德。蓋與文財對其志書言而序之。初九復自道。何其咎。吉。象曰。復自道其義吉也。九二率復。吉。象曰。率復在中亦不自失也。九三。輿說輻。夫妻反目。象曰。夫妻反目。不能正室也。六四。有孚惠心。去愬出。无咎。象曰。有孚惠心。惠心勿富也。九五。有孚惠心。富以其鄰。象曰。有孚惠心。不獨富也。

上九。既雨既處。尚德載婦。貞厲。月幾望。君子征凶。象曰。既雨既處。德積載也。君子征凶。有所疑也。

時當小畜。六爻皆有修文德以來遠人之任者也。初九剛而得正。克已復禮。天下歸之。故吉。九二剛中。與初同復。故亦得吉。九三過剛不中。恃力服人。人偏不服。故輿說輻而不能行。尚不可以齊家。况可服遠人乎。六四柔而得正。能用上賢以成其功。故惕出而无咎。九五陽剛中正化被无疆。故能富以其鄰。上九剛而不過。又居小畜之終。如密雲之

久而既雨遠近皆得安處太平。此乃懿尚文德至于積滿故能如此。然在彼臣婦宜守貞而時時自危不可恃君有優容之德而失其分。世道至此如月幾望可謂圓滿無缺矣。其在君子更不宜窮兵黷武以取凶也。佛法觀心釋者修正道時或有事障力強須用對治助開雖用助開仍以正道觀慧爲主。初九正智力强故事障不能爲害而復自道。九二定慧得中故能化彼事障反爲我助而不自失。九三恃其乾慧故爲事障所礙而定慧兩傷。

六四善用正定以發巧慧故血去而惕出。九五中正妙慧體障卽德故能富以其隣。上九定慧平等故事障釋然解脫如既雨既處而修德有功夫事障因對助而排脫必有一番輕安境界現前名之爲婦而此輕安不可味著。味著則生上慢自謂上同極聖爲月幾望若信此以往則反成大妄語之凶矣可不戒乎。

三三兌下乾上

履虎尾不咥人亨

約世道則頑民旣格上下定而爲履以說應乾故不咥人。約佛法則魔王歸順化道行而可履以慈攝暴故不咥人。約觀心則對治之後須明識次位而成真造實履觀心卽佛如履虎尾不起上慢。如不咥人亨也。

彖曰履柔履剛也。說而應乎乾是以履虎尾不咥人亨。剛中正履帝位而不疚光明也。

履之道莫善于柔。柔能勝剛弱能勝強。故善履者雖履虎尾亦不咥人。不善履者雖履平地猶傷其

足。此卦以說應乾。說卽柔順之謂。臣有柔順之德乃能使彼剛健之主中正光明履帝位而不疚。否則不免于夬履貞厲矣。佛法釋者以定發慧以修合性以始覺而欲上契本覺以凡學聖皆名爲柔履剛得法喜名說悟理性名應乾不起上慢進趣正位則能以修合性處于法王尊位如九五也。

象曰上天下澤履君子以辯上下定民志

佛法釋者深知卽而常六道不浪階是爲辯上下

定民志

初九素履往无咎。象曰。素履之往。獨行願也。

此如伯夷叔齊之履。佛法釋者。以正慧力深知无位次之位次。以此而往則不起上慢矣。

九二履道坦坦。幽人貞吉。象曰。幽人貞吉中不自亂也。

此如柳下惠蘧伯玉之履。佛法釋者。中道定慧進趣佛果而不自滿足。潛修密證不求人知故吉。六三眇能視。跛能履。履虎尾。咥人凶。武人爲于大君。象曰。眇能視。不足以有明也。跛能履。不足以與行也。

噬人之凶。位不當也。武人爲于大君志剛也。

此如項羽董卓之履。佛法釋者。知性德而不知修德。如眇其一目。尚慧行而不尚行。行如跛其一足。自謂能視。而實不見正法身也。自謂能履。而實不能到彼岸也。高談佛性反被佛性二字所害。本是鹵莽武人。妄稱祖師。其不至于墮地獄者鮮矣。問六三爲悅之主。彖辭讚其應乾而亨。爻胡貶之甚也。答彖約兌之全體而言。爻約六三不與初二相合。自信自任而言。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

易傳

卷二

九四履虎尾。愬愬終吉。象曰。愬愬終吉志行也。

此如周公吐握勤勞之履。佛法釋者定慧相濟雖未卽證中道然有進而无退矣。

九五夫履貞厲。象曰。夫履貞厲位正當也。

此如湯武反身之履。亦如堯舜危微允執之履。或云此是誠辭。恐其爲漢武也。須虛心以應柔悅之臣。乃不疚而无明耳。佛法釋者剛健中正決定證于佛性。從此增道損生出沒化物。不取涅槃以自安隱矣。

上九視履考祥。其旋元吉。象曰。元吉在上大有慶也。此如堯舜旣薦舜禹于天。舜禹攝政。堯舜端拱。無爲之履。佛法釋者果徹因源萬善圓滿。復吾本有之性。稱吾發覺初心。故大吉也。

周易禪解卷第二

弟子戴從遲捐貲刻

庚子歲次癸卯年夏月

周易禪解卷第二

之卦。斷吾幾覺。財心大吉也。虛心以應柔悅之。
爲之氣。渺去釋。果辦因熙。萬善圓融。貽吾本
此吸養。參鴻蘊。萬千天。參禹職。運義氣。融其天
王正脈。氣未滅。其真。永吉。巢曰。元吉。卦。上大吉。下泰。

周易禪解卷第三

北天目道人蕩益智旭著

上經之三

乾下

泰。小往大來。吉亨。

夫爲下者。每難于上達而爲上者。每難于下交。今
小往而達于上大來而交于下。此所以爲泰而吉
亨也。約世道則上下分定之後。情得相通而天下
泰寧。約佛法則化道已行而法門通泰。約觀心則

深明六卽不起上慢而修證可期。又是安忍強軟二魔則魔退而道亨也。強軟二魔不能爲患是小往忍力成就是大來象曰。泰小往大來吉亨。則是天地交而萬物通也。上下交而其志同也。內陽而外陰。內健而外順。內君子而外小人。君子道長小人道消也。

約四時則如春。天地之氣交而萬物咸通。約世道如初治。上下之情交而志同爲善。約體質則內陽而外陰。陽剛爲主。約德性則內健而外順。无私合

理。約取舍則內君子而外小人。見賢思齊見惡自省。故君子道長則六爻皆有君子之道。小人道消則六爻皆有保泰防否之功也。佛法釋者。若得小往大來。則性德之天與修德之地相交而萬行俱通也。向上玄悟與向下操履相交。而解行不分作兩橛也。內具陽剛之德。而外示陰柔之忍。內具健行不息之力。而外有隨順世間方便。內合佛道之君子。而外同流于九界之小人。能化九界俱成佛界。故君子道長而小人道消也。

象曰天地交泰后以財成天地之道輔相天地之宜以左右民

佛法釋者。天地之道節性具定慧。天地之宜節定慧有適用之宜。財成輔相卽以修禪性也。左右民者不被強軟。二魔所壞。則能用此二魔爲侍者也。初九拔茅茹以其彙征吉。象曰拔茅征吉。志在外也。陽剛之德當泰之初。豈應終其身于下位哉。連彼同類以進。志不在于身家故可保天下之終泰矣。九二包荒用馮河。不遐遺朋亡。得尚于中行。象曰包

荒得尚于中行以光大也

剛中而應六五。此得時行道之賢臣也。故宜休休有容。荒而无用者包之。有才能馮河者用之。遐者亦不遺之。勿但以二陽爲朋。乃得尚合六五中正之道而光大耳。

九三无平不陂。无往不復。艱貞无咎。勿恒其孚。子食有福。象曰无往不復。天地際也。

世固未有久泰而不否者。顧所以持之者何如耳。九三剛正故能艱貞而有福。挽廻此天地之際

六四。翩翩不富以其鄰。不戒以孚。象曰。翩翩不富也。失實也。不戒以孚。中心願也。

柔正之德處泰已過中之時。雖无致治真實才力。而賴有同志以防禍亂。則不約而相信。故猶可保持此泰也。俞玉吾曰。泰之時。三陰陽皆應。上下交而志同。不獨二五也。乾之初爻。卽拔茅連茹以上交四爲坤之初爻。亦翩然連類而下交。三爻乎上。旣勿恤其孚。故四爻于下。亦不戒以孚。上下一心。陰陽調和。此大道爲公之盛。所以爲泰。李彭已曰。

失實言三陰從陽而不爲主也。陽實則能爲主。陰虛則但順承乎陽而已。不有其富之義也。中心願者。言其出于本心也。

六五。帝乙歸妹以祉元吉。象曰。以祉元吉。中以行願也。

柔中居尊下應九二。虛心用賢而不以君道自專。如帝乙歸妹盡其婦道而順乎夫子。夫如是。則賢人樂爲之用。而泰可永保矣。

上六。城復于隍。勿用師。自邑告命。貞吝。象曰。城復于

隍其命亂也

泰極必否時勢固然。陰柔又無撥亂之才。故誠以勿復用師。上既失權。下必擅命。故有自邑告命者。邑非出命之所。而今妄自出命。亦可羞矣。然上六祇是无才。而以陰居陰。仍得其正。非是全无德也。但遇此時勢。故命亂而出自邑人耳。

約佛法釋六爻者。夫欲安忍強軟。二魔須藉定慧之力。初九剛正。故內魔旣降。外魔亦伏似拔茅而連彙。九二剛中。故外魔旣化。內魔不起。尚中行而

光大。九三過剛。故須艱貞。方得无咎。以其本是正慧。必能取定。故爲天地相際。六四正定。孚于正慧。

故雖不富。而能以鄰。知魔無實。則魔反爲吾侍。而舉如躋。六五定有其慧。故能卽魔界爲佛界。具足福慧二種莊嚴。如帝乙歸妹。而有祉元吉。上六守其劣定。故魔發而成亂。以其資天乘。革謹。雖去要否之匪人。不利君子貞。大往小來。或干勿覩。去要約世道。則承平日久。君民逸德。而氣運衰頽。約佛

法則化道流行出家者多而有漏法起。約觀心則安忍二魔之後得相似證。每每起于似道法愛而不前進。若起法愛則非出世正忍正智法門。故爲匪人而不利君子貞。以其背大乘道退墮權小境界故也。此是說了輪滿東西方王六事也

彖曰。否之匪人不利君子貞。大往小來。則是天地不交而萬物不通也。上下不交而天下無邦也。內陰而外陽。內柔而外剛。內小人而外君子。小人道長。君子道消也。

此是說了輪滿東西方王六事也

佛法釋者。若起似道法愛。則修德不合性德之天。而萬行俱不通也。向上不與向下合一。而不能從寂光垂三土之邦國也。內證陰柔順忍而置陽剛佛性于分外。內同二乘之小人而置佛果君子于分外。自不成佛。不能化他成佛。故小人道長。君子道消也。強軟二魔入每畏懼。故泰傳極慶快之辭。以安慰之。令无退怯。順道法愛人每貪戀。故否傳極嗟歎之辭。以警策之。令无取著。

象曰。天地不交否。君子以儉德辟難。不可榮以祿。

易經
卷三

六一

佛法釋者。觀此順道法愛猶如險坑之難而不取其味。是謂不可榮以祿也。

初六。拔茅茹以其彙。貞吉。亨。象曰。拔茅貞吉。志在君也。

六爻皆有救否之任。皆論救否之方。不可以下三爻爲匪人也。初六柔順而居陽位。且有同志可以相濟。故拔茅連彙而吉亨。但時當否初。尤宜思患豫防。故誠以貞也。

六二。包承。小人吉。大人否亨。象曰。大人否亨。不亂羣

也

柔順中正上應九五陽剛中正之君。惟以仁慈培植人心。挽回天運。故小人得其包承而吉。然在二大人分中。見天下之未平。心猶否塞不安。不安乃可以致亨。而非小人所能亂矣。

六三。包羞。象曰。包羞位不當也。

以陰居陽在下之上。內剛外柔。苟可以救否者无不爲之。豈顧小名小節。諺云。包羞忍恥。是男兒地位使然。何損于坤順之德哉。易因曰。此正處否之

法所謂唾面自乾穢裘縱博者也

九四有命无咎疇離祉。象曰。有命无咎志行也。剛而不正以居上位宜有咎也。但當否極泰來之時。又得疇類共離于祉故救否之志得行。離者附麗也。

九五休否大人吉其亡其亡繫于苞桑。象曰。大人之吉位正也。

陽剛中正居于君位。下應柔順中正之臣故可以休否而吉。然患每伏于未然亂每生于所忽故必

念念安不忘危存不忘亡治不忘亂如繫物于苞桑之上使其堅不可拔此非大人其孰能之

上九傾否先否後喜。象曰。否終則傾何可長也

剛不中正居卦之外先有否也。但否終則傾決无長否之理故得後有喜耳

佛法釋者順道法愛非陽剛智德不能拔之初六法愛未深而居陽位若能從此一拔則一切俱拔故勉以貞則吉。亨勸其志在于君君卽指法身實證也。六二法愛漸深故小人則吉大人正宜于此

易 福

卷三

作否塞想乃得進道而亨。六三法愛最深又具小慧。妄認似道爲真故名包羞尤四剛而不正雖暫起法愛終能自拔而志行九五剛健中正故直入正位而言然尚有四十一品无明未斷所以位位皆不肯任名其亡其亡從此心心流入薩婆若海證念不退名繫于苞桑。工九陽居陰位始亦未免

法愛後則智慧力強故

頤之貞利涉大川

乾上離下

同人于野亨利涉大川利君子貞

約世道則傾否必與人同心協力約佛法則因犯
結制之後同法者同受持約觀心則既離順道法
愛初入同生性上合諸佛慈力下同衆生悲仰故
曰同人蘇眉山曰野者无求之地立于无求之地
則凡從我者皆誠同也彼非誠同而能從我于野哉
同人而不得其誠同可謂同人乎故天與火同
人物之能同于天者蓋寡矣天非同于物非求不
同于物也立乎上而能同者自至焉其不能者不
至也至者非我授之不至者非我拒之不拒不援

是以得其誠同而可以涉川也。苟不得其誠同與之居安則合。與之涉川則潰矣。觀心釋者。野是三界之外。又寂光无障礙境也。旣出生死。宜還涉生死大川以度衆生。惟以佛知佛見示悟衆生。名爲利君子貞。未嘗過同人卦非猶可謂非于野

彖曰。同人柔得位得中而應乎乾。曰同人。蘇眉山曰。此專言二五也。故別之。利涉大川。乾行也。文明以健。中正而應。君子正也。唯君子爲能通天下之志。

觀心釋者。本在凡夫未證法身。名之爲柔。今得入正位。得證中道。遂與諸佛法身乾健之體相應。故曰同人。此直以同證佛性爲同人也。旣證佛體。必行佛德。以度衆生。名爲乾行。文明以健。中正而應。如日月麗天。清水則影自印現。乃君子之正也。惟君子已斷无明。得法身中道應本。具二十五王三昧。故能通天下之志。而下合一切衆生。與諸衆生同悲仰耳。

同失明。則無成。天火與水同體不同象。曰。天與火同人。君子以類族辨物。其義果限同人。

不有其異。安顯其同。使異者不失其爲異。則同乃得安于大同矣。佛法釋者。如天之與火。同而不同。而同。十法界各有其族。各爲一物。而惟是一心。一心具足十界。十界互具。便有百界千如之異。而百界千如。究竟元只一心。此同而不同。不同而同之極致也。

初九。同人于門。无咎。象曰。出門同人。又誰咎也。

同人之道。宜公而不宜私。初九剛正。上无繫應。出門則可以至于野矣。故无咎。

六二。同人于宗。吝。象曰。同人于宗。吝道也。六二得位得中。以應乎乾卦。之所以爲同人者也。然以陰柔不能遠達。恐其近暱于初九。九三之宗。則吝矣。

九三。伏戎于莽。升其高陵。三歲不興。象曰。伏戎于莽。敵剛也。三歲不興。安行也。

夫二應于五。非九三所得强同也。三乃妄冀其同。故伏戎以邀之。升高陵以伺之。然九五陽剛中正。名義俱順。豈九三非理之剛所能敵哉。其卽指三。

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

高陵指五。五遠于三。如高陵也。

九四乘其墉弗克攻吉。象曰乘其墉義弗克也。其吉則困而反則也。六二陰柔中正爲離之主應于九五。此所謂不同耳。

九五同人先號咷而後笑。大師克相遇。象曰同人之先以中直也。大師相遇言相克也。六二陰柔中正爲離之主應于九五。此所謂不同耳。

而同乃其誠同者也。誠同而爲三四所隔能弗號咷而用大師相克哉。中故與二相契而不疑其迹。直故號咷用師而不以爲諱。鄭孩如曰。大師之克非克三四也。克吾心之三四也。私意一起于中。君子隔九閽矣。甚矣克已之難也。非用大師其將能乎。楊誠齋曰。師莫大于君心。而兵革爲小上九同人于郊无悔。象曰同人于郊志未得也。蘇眉山曰。无所苟同故无悔。莫與共立故志未得。觀心釋者。六爻皆重明欲證同人之功夫也。夫欲

證入同人法性須藉定慧之力。又復不可以有心求不可以无心得。所謂時節若到其理自彰。此修心者勿忘勿助之要訣也。初九正慧現前不勞功力便能出生死門。六二雖有正定慧力太微未免被禪所牽不出三界舊宗。九三偏用其慧雖云得正而居離之上毫无定水所資故如升于高陵而爲頂墮菩薩三歲不興尤四定慧均調始雖有期必之心後乃知期必之不能合道卒以无心契入而吉。九五剛健中正而定力不足雖見佛性而不

了了所以先須具修衆行積集菩提資糧藉萬善

之力而後開發正道蓋是直緣中道佛性以爲迴出二諦之外所以先號咷而後笑也。上九定慧雖復平等而居乾體之上僅取涅槃空證不能入塵垂手故志未得

三三
離上
泰賁其失離直大離果尊其鑿等離

大有元亨
遯平天而却否以示亨

約世道則同心傾否之後富有四海約佛法則結戒說戒之後化道大行約觀心則證入同體法性

之後功德智慧以自莊嚴皆元亨之道也
彖曰大有柔得尊位大中而上下應之曰大有其德
剛健而文明應乎天而時行是以元亨

佛法釋者從凡夫地直入佛果尊位證于統一切
法之中道而十界皆應順之名爲大有剛健文明
聖行梵行皆已成也應乎天而時行證一心中五
行以天行爲體而起嬰兒行病行之用也

象曰火在天上大有君子以遏惡揚善順天休命

佛法釋者修惡須斷盡修善須滿足方是隨順法

性第一義天之休命也休命者十界皆是性具性
造但九界爲咎佛界爲休九界爲逆佛界爲順
初九无交害匪咎難則无咎象曰大有初九无交害
也夫有大者患其多交而致害也難則終亦如初矣
九二大車以載有攸往无咎象曰大車以載積中不
敗也大車謂六五虛而能容也雖有能容之聖君然非
九二積中之賢臣以應之何能无敗

九三。公用亨于天子。小人弗克。象曰。公用亨于天子。小人害也。

剛正而居大臣之位。可通于聖君矣。豈小人所能哉。

九四。匪其彭无咎。象曰。匪其彭无咎。明辯晳也。彭盛也。壯也。九四剛而不過。又居離體。明辯晳而匪彭。可以事聖君矣。

六五。厥孚交如威如吉。象曰。厥孚交如信以發志也。威如之吉。易而无備也。

柔中居尊專信。九二而天下信之。不怒而民威于鉄鍼。不俟安排造作。以爲威也。蘇眉山曰。以其无備。知其有餘也。夫備生于不足。不足之形現于外。則威削。

上九。自天祐之。吉无不利。象曰。大有上吉。自天祐也。蘇眉山曰。祐白吉。曰无不利。其爲福也多矣。而終不言其所以致福之由。豈真无說也哉。蓋其所以致福者遠矣。孔子曰。天之所助者順也。人之所助者信也。履信思乎順。又以尚賢也。是以自天祐。

之吉无不利。信也順也。尚賢也。此三者皆六五之德也。易而无備。六五之順也。厥孚交如。六五之信也。羣陽歸之。六五之尚賢也。上九特履之爾。我之能履者能順且信。又以尚賢則天人之助將安歸哉。故曰聖人无功。神人无名。大市上吉。自天祐之。約佛法釋六爻又有二義。一約果後垂化。二約秉教進修。一約果後垂化者。初九垂形四惡趣中。而不染四趣煩惱。但是大悲與民同患故无交害而恒艱。九二垂形人道。能以大乘廣度一切。故有攸

往而不敗。九三現行天道不染諸天欲樂及與禪定。故非小人所能設。小人而入天趣。未有不被欲樂禪定所害者也。九四現二乘相故匪其彭。不與二乘同取涅槃偏證。故明辯替言有大乘智慧辯才也。六五現菩薩相。應攝受者而攝受之。故厥孚交如。應折伏者而折伏之。故威如吉。信以發志。是接引善根衆生。易而无備。是折伏惡機衆生也。上九現如來形。故自天祐之。吉无不利。所謂依第一義天。亦現爲天人師也。二約秉教進修者。初九秉

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

增上戒學故不與煩惱相交。九二秉增上心學故于禪中具一切法而不敗。九三秉增上慧學故能亨于天子。然此慧學坐斷凡聖情解。掃空蕩有。每爲惡取空者之所藉口。所以毫釐有差。天地懸隔。小人弗克用之。用則反爲大害。九四秉通教法。但是大乘初門。故匪其彭。雖與二乘同觀无生。而不與二乘同證。故明辯督。六五秉別教法。仰信中道。一故厥孚交如。別修緣了。故威如而吉。上九秉圓教法。全性起修。全修在性。故自天祐之吉。无不利。

三三 坤上 艮下

謙亨。君子有終。彖曰。天垂健于地。人得厚德于天。故稱謙也。天地萬物皆順。故稱亨也。君子有終。約世道則地平天成。不自滿假。約佛化則法道大行。之後仍等視衆生。先意問訊。不輕一切。約觀心則圓滿菩提歸無所得。凡此皆亨道也。君子以此而終如其始。可謂果徹因源矣。東軒書之。人謂之謙也。盈而益謙。地道變盈而流謙。鬼神害盈而福謙。人道盈盈而好謙。謙尊而光卑。而不可踰。君子之終也。

儒則文王視民如傷堯舜其猶病諸。佛則十種不可盡我願不可盡。衆生度盡方證菩提。地獄未空不取滅度。所以世出世法從來無有盈滿之日。苟有盈滿之心。則天虧之地變之鬼神害之人惡之矣。以此謙德現形十界。則示居佛位之尊。固有光縱示居地獄之卑。亦無人能踰勝之也。

吳幼清曰。謙者尊崇他人以居已上而已。亦光顯精卑抑自己以居人下而人亦不可踰越之。此君子之所以有終也。

象曰。地中。山。謙君子以裒多益寡。稱物平施。

山過乎高故多者哀之。地過乎卑故寡者益之。趣得其平。皆所以爲謙也。佛法釋者。哀佛果无邊功德之山。以益衆生之地。了知大地衆生皆具佛果功德山王。稱物機宜。而平等施以佛樂。不令一人獨得滅度。

初六。謙謙君子。用涉大川吉。象曰。謙謙君子。卑以自牧也。其貞吉。普養之以若用无眚。

蘇眉山曰。此最處下。是謙之過也。是道也。无所用

之。用于涉川而已。有大難不深自屈折則不足以致其用。牧者養之以待用云爾。

六二。鳴謙。貞吉。象曰。鳴謙貞吉。中心得也。

蘇眉山曰。謙之所以爲謙者三也。其謙也。以勞故聞其風。被其澤者莫不相從于謙。六二其鄰也。上六其配也。故皆和之而鳴于謙。而六二又以陰處內卦之中。雖微九三。其有不謙乎。故曰鳴謙貞吉。鳴以言其和于三。貞以見其出于性也。

九三。勞謙。君子有終。吉。象曰。勞謙君子。萬民服也。

蘇眉山曰。勞功也。艮之制在三。而三親以艮下坤。其謙至矣。勞而不伐。有功而不德。是得謙之全者也。故彖曰君子有終。而三亦云六四。无不利。撝謙。象曰。无不利。撝謙不違則也。

雖居九三。勞謙之上。而柔順得正。故无不利。而爲撝謙。夫以謙撝謙。此真不違其則者也。

六五。不富以其鄰。利用侵伐。无不利。象曰。利用侵伐。征不服也。蘇眉山曰。直者曲之矯也。謙者驕之反也。皆非德。

之至也。故兩直不相容。兩謙不相使。九三以勞謙而上下皆謙以應之。內則鳴謙。外則撫謙。其甚者則謙謙相追于无穷。相益不已。則所謂裒多益寡。稱物平施者。將使誰爲之。若夫六五。則不然。以爲謙乎。則所據者剛也。以爲驕乎。則所處者中也。惟不可得而謂之謙。不可得而謂之驕。故五謙莫不爲之使也。求其所以能使之五謙者。而无所有。故曰不富以其鄰。至于侵伐而不害爲謙。故曰利用侵伐。莫不爲之用者。故曰无不利。萬益曰。征不服。

正是裒多名謙

上六。鳴謙利用行師。征邑國。象曰。鳴謙。志未得也。可用行師。征邑國也。

蘇眉山曰。鳴謙一也。六二自得于心。而上六志未得者。以其所居非安于謙者也。特以其配之勞謙而強應焉。貌謙而實不至。則所服者寡矣。故雖有邑國而猶叛之。夫實雖不足。而名在于謙。則叛者不利。叛者不利。則征者利矣。

佛法釋。此六爻者。亦約二義。一約佛果八相。二約

内外四衆。一約佛果八相者。初六卽示現降神入胎及初生相。火證无生復示更生故爲卑以自收。六二卽示現出家。火度生死。自言爲生死故出家是爲鳴謙。九三卽示現降魔成道。火超魔界證大菩提而爲衆生現此勞事使觀者心服。六四卽示現三七思惟。火已鑒機而不違設化儀則。六五卽示現轉大法輪本無實法皆是善巧權現故爲不富能令十方諸佛同爲證明故爲以鄰破衆生三惑。令歸順于性具三德故爲利用侵伐上六卽示

現滅度以衆生機盡應火云亡爲志未得卽以滅度而作佛事。令諸衆生未種善根者得種已種者熟已熟者脫爲征邑國也。二約內外四衆者。初六是沙彌小衆故爲卑以自牧。六二是守法比丘衆故爲鳴謙貞吉。九三是弘法比丘宰任玄綱故爲勞謙君子。六四是外護人中優婆塞等故恒謙讓一切出家大小乘衆而爲撫謙乃不違則。六五是護法欲界諸天故能摧邪以顯正而征不服。上六是色无色天雖亦護正摧邪而禪定中无瞋恚相。

不能作大折伏法門。故志未得

豫利建侯行師

震上

約世道則聖德之君。以謙臨民而主下胥悅。約佛化則道法流行而人天胥慶。約觀心則證無相法受無相之法樂也。世道既豫不可忘于文事无備故宜建侯以宣德化行師以備不虞。道法旣行不可失于訓導警策。故宜建侯以主道化行師以防弊端。自證法臺不可不行化導故宜建侯以攝受

衆生行師以折伏衆生也。又慧行如建侯。行行如行師。又生善如建侯。滅惡如行師。初得法喜樂者皆應爲之

彖曰。豫剛應而志行。順以動。豫順以動。故天地如之。而况建侯行師乎。天地以順動。故日月不過而四時不忒。聖人以順動。則刑罰清而民服。豫之時義大矣哉。

順以動。雖豫之德實所以明保豫之道也。夫六十四卦皆時耳。時必有義。義則必大。何獨豫爲然哉。

豫則易于忘忽故特言之。佛法釋者惟順以動故動而恒順所謂稱性所起之修全修還在性也時義豈不大哉

象曰雷出地奮豫先王以作樂崇德殷薦之上帝以配祖考
佛法釋者作樂如經所謂梵唄詠歌自然敷奏也。崇德以修嚴性也。殷薦上帝卽名本源自性爲上帝祖考謂過去諸佛也。

初六鳴豫凶象曰初六鳴豫志窮凶也

夫盛極必衰樂極必苦豫不可以不慎也故六爻多設警策之辭亦卽象中建侯行師之旨耳。初六上和九四而爲豫自无實德志在恃人而已能弗窮乎

六二介于石不終日貞吉象曰不終日貞吉以中正也

蘇眉山曰以陰居陰而處二陰之間晦之極靜之至也。以晦觀明以靜觀動則凡吉凶禍福之至如長短黑白陳于吾前是以動靜如此之果也。介于

易經
卷二

二三

石果于靜也不終日果于動也是故孔子以爲知機也

六三。貯豫悔遲有悔。象曰。貯豫有悔位不當也。

六三亦无實德。上視四以爲豫。急改悔之可也。若遲則有悔矣。夫視人者豈能久哉。

九四。由豫大有得。勿疑朋盍簪。象曰。由豫大有得志大行也。

爲豫之主故名由豫。夫初與三與六皆由我而爲豫矣。二五各守其貞慎勿疑之。不疑則吾朋益固。

結也

六五。貞疾恒不死。象曰。六五貞疾乘剛也。恒不死中未亡也。

二五皆得中。故皆不溺于豫而爲貞也。但二遠于四。又得其正。故動靜不失其宜。五乘九五之剛。又不得正。安得不成疾乎。然猶愈于中喪其守而外求豫者也。

上六。冥豫成有渝无咎。象曰。冥豫在上何可長也。豫至于冥時當息矣。勢至于成必應變矣。因其變

禪

卷三

三十四

而通之。因其冥而息之。庶可以免咎耳。
 佛法釋者。九四爲代佛揚化之人。餘皆法門弟子也。初六不中不正。恃大人福庇而忘修證之功。故凶。六二柔順中正。能于介爾心中。徹悟事造理具兩重三千。其理決定不可變易。頓悟頓觀。不俟終日之久。此善于修心得其真正法門者也。故吉。六三亦不中正。但以近于嚴師。故雖貽豫而稍知改悔。但无決斷勇猛之心。故誠以悔遲則必有悔。九四爲卦之主。定慧和平。自利利他。法皆成就。故明。

堅信而志大行。六五柔質不正。反居明師良友之上。可謂病入膏肓。故名貞疾。但以居中則一。點信心猶在。善根不斷。故恒不死。上六柔而得正。處豫之終。未免沉空取證。但本有願力。亦不畢竟入于涅槃。終能廻小向大。而有渝无咎。死水不藏龍。故曰何可長也。若約位象人者。初六是破戒僧。六二是菩薩聖僧。六三是凡夫僧。九四是紹祖位人。六五是生年上座。上六是法性上座也。

隨元亨利貞无咎

約世道則上下相悅必相隨順。約佛化則人天胥悅。受化者多。約觀心則既得法喜便能隨順諸法實相。皆无亨之道也。然必利于貞乃得无咎。不然將爲蠱矣。

象曰：隨剛來而下柔動而說隨。大亨貞无咎而天下隨時。隨時之義大矣哉！卦不取上六柔而取初九剛震爲剛。兌爲柔。今震反居兌下。故名剛來下柔也。內動外悅。與時偕行。故爲天下隨時。猶儒者所謂

時習時中。亦佛法中所謂時節。若到其理。自彰機感。相合。名爲一時。故隨時之義稱大。

象曰：澤中有雷。隨。君子以嚮晦入宴息。

觀心釋者。旣合本源。自性上同。往古諸佛。則必冥乎三德秘藏。而入大涅槃也。

初九。官有渝貞吉。出門交有功。象曰。官有渝從正吉也。出門交有功。不失也。

官者物之正主。九五爲六二正主。則六二乃官物也。而陰柔不能遠達。乃變其節。以隨初。初宜守正。

不受其隨則吉。蓋交六二于門內。則得二而失五。不如交九五于門外。雖失二而有功。君子以爲不失也。

六二。係小子。失丈夫。象曰。係小子。弗兼與也。係初必失五。安有兩全者哉。所以爲二誠也。

六三。係丈夫。失小子。隨有求得利。居貞。象曰。係丈夫志。舍下也。

四爲丈夫。初爲小子。三近于四而遠于初。然皆非正應也。但從上則順。係近則固。故周公誠以居貞。

而孔子贊其志。上卦謂之正。下卦謂之順。此一爻。上卦謂之正。下卦謂之順。此一爻。

九四。隨有獲。貞凶。有孚在道以明。何咎。象曰。隨有獲。其義凶也。有孚在道明功也。

六二。欲往隨九五。必歷四而後至。四固可以獲之。獲則得罪于五而凶矣。惟深信隨之正道。則心迹可明而无咎。亦且同初九之有功也。

九五。孚于嘉吉。象曰。孚于嘉吉。位正中也。

六二。陰柔中正。五之嘉偶也。近于初而歷于四。迹甚可疑。九五陽剛中正。深信而不疑之。得二之心。

亦得初與四之心而吉矣。

上六。拘係之。乃從維之。王用亨于西山。象曰。拘係之上窮也。

陰柔得正居隨之極。專信九五而固結不解者也。故可亨于神明。然窮極而不足以有爲矣。

佛法釋者。三陽皆爲物所隨。故明隨機之義。三陰皆隨順乎陽。故明隨師之道。初九剛正居下。始似不欲利生者。故必有渝。乃吉。出門乃爲有功。九四剛而不正。又居上位。雖膺弘法之任。有似夾帶名。

利之心。故有獲而貞凶。惟須篤信出世正道。則心事終可明白。九五剛健中正。自利利他。故孚于嘉而吉。六二柔順中正。而无慧力。未免棄大取小。六三不中不正。而有慧力。則能棄小從大。然雖云棄小從大。豈可藐視小簡。而不居貞哉。上六陰柔得正。亦无慧力。專修禪悅以自娛。乃必窮之道也。惟以此篤信之力。回向西方。則萬修萬人去耳。

巽下
艮上

䷶

蠱者器久不用而蟲生。人久宴溺而疾生。天下久安无爲而弊生之謂也。約世道則君臣悅隨而无違弼呼咷之風故成弊。約佛法則天人胥悅。舉世隨化必有邪因出家者貪圖利養混入繙林故成弊。約觀心究竟隨者則示現病行而爲蠱。約觀心初得小隨順者既未斷惑或起順道法愛或于禪中發起夙習而爲蠱。然治既爲亂階亂亦可以致治故有元亨之理。但非發大勇猛如涉大川決不足以救弊而起衰也。故須先甲三日以自新後甲

三日以下寧方可挽回積弊而終保其善圖耳。

彖曰蠱剛上而柔下巽而止蠱。蠱元亨而天下治也。利涉大川往有事也。先甲三日後甲三日終則有始天行也。

艮剛在上止于上而无下濟之光巽柔在下安于下而无上行之德。上下互相偷安惟以目前无事果爲快曾不知遠憂之漸釀也。惟知此積弊之漸則能設拯救之方而天下可治然豈當袖手无爲而聽其治哉必須往有事如涉大川又必體天行之

有終有始然後可耳。世法佛法垂化觀心无不皆

然

象曰。山下有風。蠱君子以振民育德。

振民如風。育德如山。非育德不足以振民。非振民

不足以育德。上求下化。悲智雙運之謂也。

初六。幹父之蠱。有子考无咎。厲終吉。象曰。幹父之蠱

意承考也。

蠱非一日之故。必歷世而後見。故諸爻皆以父子言之。初六居蠱之始壞。猶未深。如有賢子則考可

免咎也。然必惕厲乃得終吉。而幹蠱之道。但可以

意承考不可承考之事。

空首闢卦。以父子相承。文以

九。二幹母之蠱不可貞。象曰。幹母之蠱得中道也。

蘇眉山曰。陰性安。无事而惡有爲。故母之蠱幹之

尤難。正之則傷愛。不正則傷義。非九二不能任也。

六二以陽居陰。有剛之實。而无剛之迹。可以免矣。

九三。幹父之蠱。小有悔。无大咎。象曰。幹父之蠱。終无

咎也。

空首闢卦。以父子相承。文以

蘇眉山曰。九三之德與二无異。特不知所以用之。

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

二用之以陰而三用之以陽故小有悔而无大咎。

六四裕父之蠱往見吝。象曰：裕父之蠱往未得也。

陰柔无德故能益父之蠱。裕益也。

六五幹父之蠱用譽。象曰：幹父用譽承以德也。

柔中得位善于幹蠱此以中典之德而承先緒者也。

上九不事王侯高尚其事。象曰：不事王侯志可則也。下五爻皆在事內如同室有闢故以父子明之上爻獨在事外如鄉鄰有闢故以王侯言之尚志卽

是士之實事可則卽是廉頑起懦高節卽所以挽回斯世之蠱者也。

統論六爻約世道則初如賢士二如文臣三如賢將四如便嬖近臣五如賢王六如夷齊之類約佛化則下三爻如外護上三爻如內護初六柔居下位竭檀施之力以承順三寶者也九二剛中以慈心法門屏翰正法者也九三過剛兼威折之用護持佛教者也六四柔正但能自守不能訓導于人六五柔中善能化導一切上九行頭陀遠離行似

无意于化人然佛法全賴此人以作榜樣故志可則也。約觀心則初六本是定勝爲父之蠱但居陽位則仍有慧子而无咎然必精厲一番方使慧與定等而終吉。九二本是慧勝爲母之蠱但居陰位則仍有定然所以取定者爲欲助慧而已豈可終守此定哉。九三過剛不中慧反成蠱故小有悔然出世救弊之要終藉慧力故无大咎六四過于柔弱不能發慧以此而往未免隨味禪生上慢所以可羞。六五柔而得中定有其慧必能見道。上九慧

有其定頓入无功用道故爲不事王侯而高尚其事之象所謂佛祖位中留不住者故志可則

三三
坤下

臨元亨利貞至于八月有凶

約世道則幹蠱之後可以臨民約佛法則弊端既革化道復行約觀心則去其禪病進斷諸惑故元亨也。世法佛法觀心之法始終須利于貞若乘勢而不知返直至八月則盛極必衰決有凶矣。八月爲遯與臨相反謂不宜任其至于相反而不早爲

防閑也

彖曰臨剛浸而長說而順剛中而應天亨以正天之道也至于八月有凶消不久也剛浸而長故名爲臨說而順剛中而應故爲大亨以正與乾之元亨利貞同道此乃性德之本然也若一任其至于八月而不早爲防閑則必有凶以有長有消乃自然之勢惟以修合性者乃能御天道而不被天道所消長耳

象曰澤上有地臨君子以教思无窮容保民无疆

澤謂四大海也地以載物海以載地此无窮之容保也佛法釋者教思无窮猶如澤故爲三界大師容保无疆猶如地故爲四生慈父

初九咸臨貞吉象曰咸臨貞吉志行正也

約世道則幹蠱貴剛勇臨民貴仁柔約佛法則除大弊宜威折化導宜慈攝約觀心則去惡宜用慧力入理宜用定力初九剛浸而長故爲咸臨恐其任剛過進故誠以貞則吉

九二咸臨吉无不利象曰咸臨吉无不利未順命也

二亦居陽剛浸長之勢。然此時尚宜靜守不宜乘勢取進。故必吉乃无不利。若非吉便有不利矣。蓋乘勢取進則未順于大亨以正之天命故也。其卦六三。井臨无攸利。既憂之无咎。象曰。甘臨位不當也。既憂之咎不長也。柔而志剛。味著取進。以臨爲甘。而不知其无所利也。然旣有柔德又有慧性。必能反觀憂改。則无咎矣。

六四。至臨无咎。象曰。至臨无咎位當也。

佛法釋者。以正定而應初九之正慧。故爲至臨六五。知臨。大君之宜。吉。象曰。大君之宜。行中之謂也。佛法釋者。有慧之定而應九二有定之慧。此所謂王三昧也。中道統一切法。名爲大君之宜。上六。敦臨。吉无咎。象曰。敦臨之吉。志在內也。柔順得正。居臨之終。如聖靈在天。默祐子孫臣民者矣。佛法釋者。妙定旣深。自發真慧。了知心外无法。不于心外別求一法。故爲志在內而吉无咎。

卷三
觀盥而不薦有孚顥若

約世道則以德臨民爲民之所瞻仰。約佛法則正化利物舉世之所歸憑。約觀心則進修斷惑必假妙觀也。但使吾之精神意志常如盥而不薦之時。則世法佛法自利利他皆有孚而顥然可尊仰矣。彖曰：大觀在上順而巽。中正以觀天下。觀盥而不薦有孚顥若。下觀而化也。觀天之神道而四時不忒。聖人以神道設教而天下服矣。

陽剛在上示天下以中正之德順而不逆巽而不

性。故如祭之盥手未薦物時。孚誠積于中而形于外。不言而人自喻之也。聖而不可知之之謂神。天何言哉。四時行焉不可測知。故名神道。聖人設爲綱常禮樂之教。民皆由之。而莫知其所以然。獨非神道乎哉。神者誠也。誠者孚也。孚者人之心也。人心本順。本異。本中本正。以心印心。所以不假薦物而自服矣。

佛法釋大觀者。絕待妙觀也。在上者高超九界也。順者不與性相違也。巽者徧于九界。一切諸法也。

中者不墮生死涅槃二邊也。正者雙照二諦無減缺也。以觀天下者十界所朝宗也。世法則臣民爲下。佛法則九界爲下。觀心則一切助道法門等爲下。天之神道。即是性德。性德具有常樂。我淨四德而不忒。以神道設教。卽爲稱性圓教。故十界同歸服也。

象曰。風行地上。觀。先王以省方觀民。設教。聖人以佛。法釋者。古佛。省四土之方觀十界之民。設八教之綱以羅之。如風行地上。无不周徧也。

初六童觀。小人无咎。君子吝。象曰。初六童觀。小人道也。

陰柔居下。不能遠觀。故如童幼之无知也。小人如童幼。則不爲惡。君子如童幼。則无以治國平天下矣。

六二。闌觀利女貞。象曰。闌觀女貞。亦可醜也。

柔順中正。以應九五。女之正位乎內。從內而觀者六也。士則醜矣。

六三。觀我生進退。象曰。觀我生進退。未失道也。

進以行道退以修道能觀我生則進退咸不失道
六四觀國之光利用賓于王象曰觀國之光尚賓也
柔而得正密邇聖君无忝賓師之任矣

九五觀我生君子无咎象曰觀我生觀民也

修己以敬萬方有罪罪在朕躬此君子之道也
上九觀其生君子无咎象曰觀其生志未平也
處師保之位天下誰不觀之非君子能无咎乎既
爲天下人所觀則其爲觀于天下之心亦自不能
稍懈故志未平

約佛法釋六爻者初是外道爲童觀有邪慧故二
是凡夫爲闡觀耽味禪故三是藏教之機進爲事
度退爲二乘四是通教大乘初門可以接入別圓
故利用賓于王五是圓教之機故觀我卽是觀民
所謂心佛衆生三無差別上是別教之機以中道
出三諦外真如高居果頭不達平等法性故志士
和平又約觀心釋六爻者初是理卽如童无所知二
是名字耶如女无實慧三是觀行卽但觀自心四
是相似卽鄰于真位五是分證卽自利利他六是

80

1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

究竟卽不取涅槃。徧觀法界衆生示現病行及嬰

見行字眼。大士實錄云。是時有童子問曰。九

周易禪解卷第三十六文書略長更唱吸童

出弟子寂元摹刻

視體心輪來坐三天皇殿上晏閒矣之難以中無
姑休照實干王止晏圓慈之難姑據并唱晏殿凡
樂樂為二乘四最嚴殊大乘師門可以辨人限門
晏凡夫意闢體知難知三最嚴殊之難事無事
餘贈出釋六爻卦跡晏伏龍爲童釋言并慧

五十四

80 1 2 3 4 5 6 7 8 9 100 1 2 3 4 5 6 7 8 9 100